



ル 6
2529
32



門名
號 2529
卷 49-32



吉林通志卷八十一

人物志十 金九

瓜爾佳沃哩布

温特赫富拉塔

烏雅呼爾喀

烏雅沃哩布

赫舍哩呼喇

烏蘇額琳

延札們都

布薩歡塔

烏庫哩薩哈

誕延温都思忠

白彥敬

烏雅富培赫

烏雅普霞努

札拉

富察鄂倫

瓜爾佳呼喇

瓜爾佳札拉

吉林通志卷八十一

瓜爾佳沃哩布原作夾谷吾里補南圖瑋原作暗吉渾河人徙天

德父温屯原作兀屯討烏春烏木罕原作窩謀罕有功沃哩布

隸羅索原作婁室帳下攻係遼女直招降達哈藩昭蘇原作

太彎等金史本傳從救烏楞古原作幹魯古於威州敗遼兵於

雅勒呼原作押魯虎城其軍營遼水乘夜引五穆昆軍擊

之遼軍驚潰殺獲幾盡從伐高永昌預伏四十騎於

要津以數騎奮擊於遼水之上獲其生口盡知虛實

太祖嘉之賞奴婢八人永昌駐軍於兔兒陁先據津

要軍不得渡沃哩布與薩巴原作撒八射殺其先鋒二人

敵眾稍卻大軍遂渡遼水及攻廣甯復與持嘉和木

歡原作赤蓋忽沒暉各領所部突入其陣大軍繼之遂拔廣

甯攻臨潢面被重創奮擊自若賞以遼宮女二人宏簡

錄遼王杲已取中京令引四十騎覘敵獲遼喉舌人

因知遼主所在後從都統幹魯定雲中從宗翰屯應

州遼軍在近境將所部擊敗之宗望伐宋宋安撫使

蔡靖詣沃哩布降金史本傳羅索攻陝西諸部復叛復攻

敗之與張浚戰富平皆先登宗輔賞以金器名馬後

為先鋒攻下蘭州城加昭武大將軍授世襲明安累

官布塔布原作李特本部族節度使以老致仕封芮國公

沃哩布生平多智略膂力過人雖老勇健不衰大定

初劇賊嘯聚出特布

原作圖鄙

關輒率鄉里年少逆擊之

賊黨潰去事聞賞賚甚厚

宏簡錄

二十六年卒一百有

五歲

金史本傳

温特赫富拉塔

原作温迪罕蒲里特

隆州伊蘭明安

原作移噶离閔河噶

勒珠

原作胡勒出

寨人也魁梧美髯有謀略以智勇聞都

統臬取中京富拉塔權明安領軍五千遇契丹萬餘

與戰敗之出恭古魯

原作袞古里

道敗敵八千餘至拉捫

華

原作臘門華

道復以伏兵敗敵萬人太祖定燕自儒州

至居庸關執其喉舌人有頃賊三千餘人復寇拉捫

華道富拉塔整隊先登賊識其旗幟望風而遁遂奮

擊之親執賊帥天會六年

史作皇統元年依詳校本改

從梁王宗

弼伐宋留軍唐州敵眾奄至富拉塔擊之大名軍四

千號二十萬富拉塔率親管明安身先士卒衝擊敵

少卻乃張左右翼併擊之敵眾散走而別遇兵二萬

來援復以兵三千擊走之時邳州土賊嘯聚幾二十

萬富拉塔軍三千分為數隊急攻之賊潰去汴京路

史作南京路

依詳校本改遇敵軍二萬以軍三千擊敗之是日有

兵自城中出者復擊敗之皇統二年遷定遠大將軍

同知鳳翔尹六年改京兆尹轉甯州刺史改西北路

招討都監遷永定軍節度使海陵南征改武衛軍都

招討都監遷永定軍節度使海陵南征改武衛軍都

總管大定三年授開遠軍節度使改泰甯卒子烏達

原作兀帶十九年以功授武功將軍本明安希楚哈原作奚楚

痕世襲穆昆宏簡錄

烏雅呼爾喀原作烏延胡里改海蘭原作孩懶路錫馨原作星顯水人

也後授愛呼原作愛也窟水穆昆因家焉從棟摩原作闍母圍

平州有功及伐宋圍汴五穆昆與宋兵萬人遇於城

南呼爾喀先馳擊敗之元帥府遂賞良馬一匹五年

攻宗城縣敵棄城走恩州追殺千餘人獲車四百輛

帥府賞牛三十頭馬一匹七年討泰山羣盜平之毀

其營柵兗州羣盜三千餘保據山險復破之賞牛二

十二頭馬四匹八年攻廬州至柘皋鎮領甲士三十

為前鋒執宋所遣持書與劉四廂騎者七人復以先

鋒攻和州比至含山縣五里獲甲士二人乃知宋三

將將兵且至亟伏其軍遂獲姚觀察金史本傳呼爾喀以

屢獲生口沃里布傳帥府賞馬二匹九年定陝右以所部

遇敵千人敗之生擒甲士得敵虛實二語依宏簡錄又從富

瑀瑋原作蒲盧渾徇地熙秦敗敵兵二千於秦州賞馬一

匹宋人屯襄陽監軍阿巴原作按補遣領四明安往攻之

宋兵三千已渡江方營壁壘乘其未就突戰破之梁

王宗弼復河南將攻陳州遣引甲士三十捕偵候人

至蔡州西遇兵八十餘戰敗之獲南頓縣令及攻陳州夜將四更忽聞敵開門潰走即領二穆昆軍追及之而明安托克索原作突葛速亦領軍至大敗之皇統二年遷定遠大將軍八年授臨洮少尹兼熙秦路兵馬副都總管九年改同知京兆尹兼本路兵馬都總管天德間改同知平陽尹兼河東南路兵馬都總管貞元三年改同知海蘭路總管大定四年授呼爾哈原胡里節度使七年改歸德史作順德依詳校本改十年移鎮顯德卒官年六十九子五十六十九年詔授武功將軍依富拉塔宏簡錄傳文世襲本路博多和原作婆朵火河穆昆金史本傳

烏雅沃哩布原作烏延吾里補海蘭原作孩懶路禪嶺人也徙大名路金史本傳天會中從其父達希布原作達吉補隸右監軍

達蘭原作撻懶麾下因從赴闕領父穆昆從攻滄州方夷

湟濠城中兵來拒擊卻之宏簡錄王師下青州力戰有功獲馬百匹以獻降賊黨甚眾本傳青州戍將德克濟

布原作覲吉補攻萊州請濟師帥府遣將十二穆昆兵以往降其四營攻拔一營得戶四十又敗賊兵五萬於

恩州攻破其營降戶五萬牛畜萬餘將至臨清敗敵兵三千俘獲甚眾生擒賊首帥府嘉其功賞以奴婢

百牛三十宏簡錄時德克濟布敗於恩州之境以兵四

千往救之破敵萬餘宋兵十萬在單父間總管宗室
伊楞古原作移刺屋選步卒一萬騎兵四千往討之沃哩
布領其親管穆昆以從遇敵先登力戰有功大軍經
略密州將兵二千爲前鋒遇敵萬人於高密遂破其
眾追至城下殺戮殆盡獲馬牛三千餘復與伯騰原作
李太欲敗賊王義軍十餘萬於州南是夜賊兵數千來
襲營以兵橫擊走之後隨大軍攻楚揚通泰等州天
眷二年襲其父世襲明安授甯遠大將軍皇統七年
益以親管穆昆天德三年除同知歸德尹正隆初爲
唐古部族節度使大定二年爲保大軍節度使是歲

改鎮通遠是時宋軍十餘萬入河隴據險要攻郡邑
元帥左都監喀齊喀原作合喜奏益兵詔益兵七千遣沃
哩布與彰化軍節度使宗室璋等七人偕往以備任
使進階龍武衛上將軍卒於軍中金史本傳
赫舍哩呼喇原作紇石輝發原作晦發川阿敦原作河人
徙西北路識契丹字爲帥府小吏梁王宗弼復陝西
久不通問睿宗在燕京遣呼喇視彼中地形修道築城十二
年往濱州密訪南邊事體及觀劉豫治齊狀盡得其
虛實睿宗甚嘉之皇統初從宗弼渡淮及下廬和二

州大破張浚韓世忠等軍遣呼喇馳奏賞以金盃重

綵五端絹七匹七年授同知景州軍州事以廉加忠

武校尉天德初以監察御史分司行臺歷同知濟州

防禦使事入為監察御史秩滿再任大定二年遷刑

部員外郎與御史大夫白彥敬原作約索往西北部族市

馬累轉泗州防禦使三遷扶餘原作蒲與路節度使移甯

昌軍卒金史本傳

烏蘇額琳原作烏孫訛論善騎射襲父薩哈原作撒改穆昆從攻

蒙克原作蒙适攻東京及廣甯擊北京山賊皆有功蕭布

展原作霸哲來攻恩州額琳以六十騎偵之逮夜遇敵數

百騎掩擊之生獲三人知布展眾九萬且至金史本傳亟

語蒙克為備遂破布展宏簡錄天會六年太宗紀從宗望

伐宋破尉氏中牟援兵并取其城還以兵百五十破

敵一千於滄州西明年再舉蒙克戍開州額琳以騎

四百守河復敗千餘人斬首七百宗弼渡淮聞王善

兵扼其前使額琳率兵二千破之和州北李成兵七

萬又據烏江直前敗之宗弼遂渡江至江甯宏簡錄十

五年沂州竇防禦叛額琳敗之獲竇防禦錄前後功

授明安加昭武大將軍宗弼再取河南額琳以五十

騎敗楊家賊五百於徐州東以功受賞不可勝計天

德二年除唐州刺史移淄州遷實壘原作石壘部族節度

使行至北京病卒金史本傳

延扎們都原作顏蓋門都隆州巴爾佳原作帕里干山人也身長

美鬚髯天會間從其兄洋阿原作羊艾在軍中方取汴京

其兄戰歿遂擐甲代其兄充軍睿宗定陝右以們都

為佛甯原作蒲葦隸監軍杲親管萬戶攻饒風關至坊州

杲欲與總管富勒呼原作蒲魯虎會於鳳翔遣們都領六

十騎先往期會及還備得地形險阨賞銀五十兩其

後宗弼駐軍山東遣人詣陝西特召至令齎廢齊及

安撫百姓詔書往諭監軍杲既還賞以良馬銀絹事

畢復遣從杲天眷初叛將定國軍節度使李世輔偽

邀杲至私署以獻甲為名遂以兵執劫而去們都突

出以告押軍明安完顏達蘭原作撻懶同率兵追及首先

與戰杲由此得脫以功遷明威將軍復從杲招復陝

西進至鳳翔齊國初廢諸路多反覆不一杲授們都

脾劄令往撫定所至多張甲兵從者安之違者討之

帖然無復叛者杲甚嘉之皇統初授廣威將軍四年

授同知通遠軍節度使事改知保安軍事天德三年

為丹州刺史兼知軍事正隆初為甯州刺史大定初

宋將吳璘等以軍數十萬人據秦隴元帥府承制以

爲勇烈軍都總管領軍討之宋人保據德順都監喀
齊喀原作合喜遣武威軍副都統瓜爾佳扎拉原作夾谷查刺會

宗室璋議征討之策們都曰都監親至敵必退矣喀

齊喀領軍四萬來赴遂復德順明年秦隴平以功遷

金吾衛上將軍授通遠軍節度使五年改慶陽尹兼

本路兵馬都總管卒們都賦性忠厚謹愨安置營壁

尤能慎密有敵忽來雖矢石至前泰然自若迺號令

士卒如平時由是人益安附而功易成焉十九年錄

功以子祿格原作六哥世襲本路海蘭烏珠原作曷懶兀朮明安

都掄赫辰原作論窟申穆昆授武功將軍金史本傳

布薩歡塔原作散渾坦扶餘路嘉們原作扶憊人也身長七尺

勇健有力善騎射年十六從其父和木索原作沒速征

伐初授修武校尉爲宗弼章京天會二年金史本傳從宗

弼伐宋富拉塔傳歡塔領六十騎深入覘伺至鄆陵敗宋

護糧軍七百餘人多所俘獲皇統九年除燕州刺史

再遷利涉軍節度使授世襲濟州和卓海蘭原作木海鸞

明安舍哩幹實原作里幹設穆昆貞元初以憂去官起復

舊職歷泰甯永武軍改咸平尹海陵殺歡塔弟樞密

使呼圖原作忽土召歡塔至南京既見沈思久之謂之曰

汝有功舊不因呼圖得官以此致罪甚可憐憫遂釋

之改興平軍節度使世宗即位以為廣甯尹幹罕原

窩反為行軍都統與海蘭路總管圖克坦原

俱在左翼敗幹罕於長灤改臨潢尹賊平賜金帛改徒單

海蘭路兵馬都總管徙顯德軍慶陽尹致仕大定十

二年上思舊功起為利涉軍節度使復以金紫光祿

大夫致仕卒年七十二歡塔歷一十七官未嘗為佐

貳性沈厚有識雖未嘗學問明於聽斷所至有治聲

云金史本傳

烏庫哩薩哈原作烏古論三合海蘭原作曷懶路愛呼原作愛河

人也後徙真定睿宗為右副元帥聞薩哈勇略選充

章京後從宗弼征伐補麴院都監未幾從伐宋與宋

兵遇於潁州薩哈先登破之皇統元年領漢軍千戶

帥府再以軍四千隸焉除同知鄭州防禦使再遷太

子少詹事大定六年改洛州防禦使上曰卿昔事睿

宗積勞苦逮事朕輔佐太子宣力多矣今典名郡所

以勞卿也遷永定軍節度使歷臨潢鳳翔尹陝西路

統軍使東平尹節制州郡躬行儉約政先寬簡邊庭

久甯人民獲安召為簽書樞密院事卒十八年世宗

追錄舊勞授其子大興河北西路愛河世襲明安阿

里瑪原作阿里門河穆昆階武功將軍金史本傳

誕延温都原作釋思忠本名伊里布原作乙阿卜薩

補斯水人太祖伐遼是時未有文字凡軍事當中

覆而應密者諸將皆口授思忠面奏受詔還軍傳致

詔辭雖往復數千言無少誤及遼人議和思忠與烏

凌阿原作烏贊謨原作往來專對其間號扎拉原作

扎拉者漢語云行人也自收國元年正月遼人遣僧

嘉努原作僧來使者三往反議不決使者薩喇原作

至遼遼人殺之遼主自將至圖們原作大敗歸復遣

使議和太祖使呼圖克昆原作胡往書曰若不從此

呼圖克昆但送至界上或如薩喇殺之惟所欲者天

輔三年六月遼大册使太傅實納略原作習泥烈契

以册璽至上京一舍先取册文副錄閱視文不稱兄

不稱大金稱東懷國太祖不受使宗翰宗雄宗幹希

尹原作定册文義指楊朴潤色和碩台阿薩爾原作

答阿高慶裔譯契丹字使贊謨與實納略偕行金史

先是楊朴勸國主遣人詣天祚求封册大金其事有

十徽號大聖大明皇帝一也國號大金二也玉輅三

也衮冕四也玉刻御前之寶五也以弟兄通問六也

生辰正旦使使七也歲輸銀絹二十五萬疋兩分南

宋歲賜之半八也割遼東長春兩路九也送還女直

趙三阿鵲產大王十也

契丹志

天祚付東北面大臣議

遂遣使備裘冕之服冊爲東懷國皇帝國主召朴等
觀驗以儀物不純用天子之制大怒欲斬其使諸將
爲謝乃解尋遣還邀令稱大金皇帝兄不然則提兵
取上京矣

大金國志

贊謨至遼見遼人再撰冊文復不盡

如本國旨意欲見遼主自陳闢者止之贊謨不顧直
入闈者相與搏搯折其信牌遼人懼遽遣贊謨歸太
祖再遣贊謨如遼遼人前後十三遣使和議終不可
成太祖自將遂克臨潢其後伐宋思忠從宗翰封劉
豫爲齊帝思忠爲傳宣使俄授穆昆從宗弼克和尙

原還爲同知西京留守事天眷初改蒲州防禦使元
帥府在陝西者其官屬往往豪壓貧民爲奴起遣工
匠千人東來至河上思忠留止其人以聞詔皆還之
爲尙書左丞是時贊謨爲行臺參知政事思忠黷貨
無厭贊謨鄙之兩人由是交惡海陵殺左丞相秉德
於行臺贊謨妻秉德乳母也思忠因搆贊謨殺之是
歲思忠爲尙書右丞俄進平章政事封郃國公進拜
左丞相兼侍中封沂國公貞元元年

史作天德依
詳校本改致

仕二年十月海陵率三品以上官幸思忠第使以家
人禮見謂思忠曰卿神氣康實習先朝舊事舍卿無

能知者當爲朕起共治國政對曰君之命臣敢不敬
從但恨老病疎謬無以塞責耳遂命思忠乘馬從入
宮拜太傅領三省事封齊國王尋拜太師兼勸農事
已而罷中書門下省不置領三省事置尙書令位丞
相上思忠爲尙書令置散從八人聽隨至宮省奏對
賜坐海陵欲定封爵制度風思忠建白封王者皆降
封異姓或封公或一品二品階惟思忠封廣平郡王
賜以玉帶思忠言百官不當封妻海陵從之惟封思
忠次室爲郡夫人而思忠亦自謂太祖舊臣頗自任
雖海陵遂非拒諫而思忠盡言無所避將伐宋問諸

大臣皆不敢對思忠曰不可海陵不悅謂曰汝勿論
可否但云何時克之思忠曰以十年爲期海陵曰何
久也朞月耳思忠曰太祖伐遼猶且數年今百姓愁
怨師出無名江淮間暑熱湫溼不堪久居未能以歲
月期也海陵怒顧左右若欲取兵及者思忠無所畏
恐復曰老臣歷事四朝位至公相苟有補於國家死
亦何憾有頃海陵曰自古帝王混一天下然後可爲
正統爾耄夫固不知此汝子伊德原作乙迭識書可往問
之思忠曰臣昔見太祖取天下此時豈有文字耶臣
年垂七十更事多矣彼乳臭子安足問哉海陵旣不

用思忠言運四方甲仗於中都思忠曰州郡無兵何以備盜賊海陵盡籍丁壯爲兵思忠曰山後契丹諸部恐未可盡起皆不聽其後州郡盜起守令不能制契丹薩巴原作撒八斡罕原作窩斡果反期年乃克之當是時海陵伐宋祁宰諫而死張浩進言被杖思忠見疎孔彥舟畫策先取江淮他無及者正隆六年思忠薨年七十三海陵深悼惜之親臨奠賻贈加等賜金螭頭車使者監護給道路費金史本傳子伊德累官御史中丞伊德姪烏達原作兀帶天會間充女直字學生學問通達觀書史工爲詩選爲尙書省令史累官同知大興尹

京師盜賊止息事無留滯再遷刑部尙書改定海軍節度使除兵部尙書改吏部正隆伐宋爲定武軍都總管世宗卽位遣使召之授咸平尹爲北邊行軍都統改會甯尹都統如故是時初定斡罕人心未安烏達爲治寬簡多備禦謹斥候邊郡以甯改北京留守以廉察舉烏達所在有能名無私過入拜參知政事薨年四十七賻銀千兩重綵四十端絹四百疋敕有司致祭久之上謂侍臣曰故參知政事烏達爲人忠直後進中有能及之者朕樂得忠直之人有如烏達輩者乎卿等爲朕舉之其見思如此烏達本傳大定十二

年上謂宰臣曰贊謨忠實剛毅雖古人無以過與思

忠有隙遂勸海陵殺之金史本傳死非其罪希尹傳詔復烏

凌阿贊謨官爵贈特進金史本傳

白彥敬本名約索原作遙設博勒和原作盧火部族人初名

彥恭避睿宗諱改焉祖額布根原作僕根父阿蘇原作阿斯

仕遼為率府率彥敬善騎射起家為吏補元帥府令

史伐宋為錢帛司都管勾立三省選為尙書省令史

除都元帥府知事招諭諸部授以金牌行數千里有

功超遷兵部郎中熙宗罷統軍司改招討司遣彥敬

分僚屬收牌印諭諸部隸招討司還為本部侍郎遷

大理卿出為通州防禦使改刑部侍郎怨家告誣開

府慎思與西北路部族謀叛彥敬鞫得其實海陵嘉

之遷樞密院事以便宜措置邊防正隆六年調諸路

兵伐宋及調民馬使彥敬主會甯扶餘原作蒲與呼爾哈

原作活羅海三路事改吏部尙書充南征萬戶遷樞密副

使金史本傳契丹薩巴原作撒八反屢討無功宏簡錄以彥敬為

北面行營都統與副統赫舍哩原作石烈志甯以便宜

往賜御服皮襖行至北京聞南征諸軍逃歸者皆奔

東京欲推戴世宗彥敬與志甯謀陰結會甯尹完顏

富色里原作速資利涉軍節度使通吉義以圖之世宗

已卽位使舒穆魯原作伊德移喇赫伯原作移

等九人招彥敬志甯彥敬拒之使伊德跪不屈皆殺

之及完顏默音原作謀術將兵攻北京彥敬使偏將率兵

拒於建州之境而通吉義先歸世宗富色哩稱疾不

至世宗密遣人乘夜揭榜於北京搆以官賞彥敬志

甯恐爲人圖已遂降金史本傳世宗問曰正隆暴虐人望

既絕朕以太祖之孫卽大位汝殺我使者又不能爲

正隆死節恐爲人所圖然後來降朕今殺汝將何辭

彥敬未有以對志甯前奏曰臣等受正隆厚恩所以

不降罪當萬死上曰汝輩初心亦可謂忠於所事自

今事朕宜勉忠節志甯傳遂釋弗殺本紀以爲哈斯罕原作

是蘇館節度使不數月召爲御史大夫斡罕原作窩斡僭帝

號諸軍馬疲弱遣彥敬往西北路招討司市馬得六

千餘匹斡罕敗西走山後完顏思敬以新馬三千備

追襲彥敬屯於夏國兩界閒斡罕平召爲兵部尙書

出爲鳳翔尹改太原尹兼河北東路兵馬總管尋改

河中尹大定九年卒官金史本傳

烏雅富埒赫原作烏延率賓原作速頻路卓多原作哲特明安

人改屬海蘭原作合懶路祖色埒原作思列預平烏春烏木罕

原作窩之亂及伐遼宋皆有功追授明安贈銀青光

祿大夫父古頁原作國也襲明安富埒赫從太祖伐遼勇

聞軍中天眷三年襲明安授甯遠大將軍累官武甯

軍節度使遷京兆尹海陵伐宋行武威軍都總管軍

還為順義軍節度使圖克坦喀齊喀原作合喜定秦隴富

埒赫將完顏實納埒原作習泥烈延扎們都原作顏蓋門都兵救

德順州改延安平涼尹致仕封任國公大定十九年

卒金史本傳

烏雅普霞努原作烏延蒲轄奴率賓原作速頻路錫馨原作星顯河人

也後改隸海蘭原作合懶路父呼實罕原作忽撒渾天輔初追

授明安親管穆昆普霞努身長有力多智略襲其父

明安穆昆階甯遠大將軍天德二年授陳州防禦使

以善撫綏再任海陵南征改歸德尹為神策軍都總

管當屯濟州比至山東盜已據其城普霞努領十餘

騎往覘之忽為其眾所圍乃與軍士皆下馬立而射

之殺百餘人賊眾敗走迤邐襲之至暮而還明日攻

破其城號令士卒毋害居民郡中獲安民感其惠為

立祠以致祭大定二年為慶陽尹金史本傳以救德順卒

於軍年六十一贈銀青光祿大夫宏簡錄子扎拉金史本傳

烏雅扎拉原作烏延查刺普霞努子也金史本傳力兼數人勇果

無敵左右手持兩大鐵簡皆重數十斤號鐵簡萬戶

正隆六年契丹瓜里原作括里陷韓州圍信州遠近震駭

時因伐宋州縣無備扎拉道出威平率本部兵亟還

信州與戰敗之已而賊復整兵環攻且登其城扎拉

下巨木壓之殺賊甚眾瓜里乃解去追及於韓州東

八里許身率銳士揮鐵簡左右擊之無不僵仆賊方

就平野為陣不能成列遂大敗遁走東京威平隆州

民復帖然宏簡錄世宗即位扎拉謁見充護衛為驍騎

副都指揮使領萬戶擊斡罕原作窩斡戰於和托原作花道大

軍未集托拉在左翼領六百騎與賊戰殺三千餘人

宗敘史作宗亨依詳校本改富察原作蒲察世傑七穆昆戰不利世

傑走扎拉軍賊合圍攻之扎拉圍拒而戰宗亨來援

賊乃退西過諾爾嶺原作嶺追及於陷泉賊先犯右翼

扎拉迎擊之賊退走斡罕募人刺之偽護衛阿卜薩

原作阿不沙身長有力金史本傳奮大刀自後來斫扎拉回顧

擊以簡背折阿卜薩右臂宏簡錄與赫舍哩原作石烈志

甯軍合擊賊遂大敗斡罕平以為宿直將軍賜銀三

百兩重綵二十端丁父憂以本官起服襲其父明安

除蔡州防禦使改宿州遷昌武軍節度使徙鎮邠州

為賀宋歲元使射淮上柳樹矢入其樹飲羽宋人素

聞其名甚異之金史本傳由是以神射名天下中州集改

鳳翔尹入為右副點檢出為興中尹改博索原作婆速路

總管高麗憚其威名凡以事至博索路者望見而跪

之二十五年為興平軍節度使卒官扎拉貞愨寡言

平居極和易及臨戰奮勇見者無不辟易雖重圍萬

眾出入若無人之境云金史本傳

富察鄂倫原作蒲察幹論上京伊蘇原作益速河人徙臨潢祖歡

托和原作忽土華父穆遜原作馬孫俱贈金紫光祿大夫鄂倫

剛毅有技能天輔初以功臣子充護衛遷左衛將軍

定武軍節度使召為右副點檢天德初授世襲臨潢

府路赫魯錫蘭原作葛呂斜葛明安改東平尹賜錢千萬累

除河南尹海陵伐宋以本官為右領軍都監大定二

年仍為河南尹兼河南路統軍使宋以萬人據壽安

縣嵩州刺史舒穆魯圖喇原作石抹突刺紀作舒穆魯珠德勒押軍萬

戶圖克坦薩布以巡兵三百遇於縣東請師於鄂倫

鄂倫使明安完顏呼沙呼原作忽沙渾率七百人助之宋

兵多圖喇使士卒下馬跪而射之宋兵不能當走入

縣城圖喇進逼之宋人棄城去追及於鐵索口復大

敗之金史本傳二月丙辰世宗紀遂復壽安改北京留守大

定尹卒官金史本傳

瓜爾佳呼喇上京桑阿原作宋葛屯明安人初在左副元

帥達蘭

原作撻懶

帳下以功授武德將軍襲其父穆昆正

隆末山東盜起呼喇為行軍明安討賊遇賊千五百

人於徐州南敗之山東路統軍司選諸軍八百人作

十穆昆呼喇將之與驍騎軍皆隸點檢司行至淮南

海陵遣以騎兵三百二十往揚州敗宋兵於宣化鎮

布薩忠義伐宋呼喇領萬戶由泗州進戰遇敵於宿

州歿於陣贈鎮國上將軍

金史本傳

瓜爾佳扎拉

原作夾古查刺

隆州實霞庫

原作失撒古

河人父實

訥官工部尙書

實訥傳作納爾渾河人

自有傳

三字依詳校本增

扎拉

狀貌魁偉善女直契丹書天德初以功臣子充護衛

二年授武義將軍未幾擢符寶郎凡再考出為灤州

刺史改知平定軍事海陵南征為武威軍副都總管

軍還大定二年改授景州刺史遷同知京兆尹

金史本傳

議破吳璘語在合喜們都傳德順既下

宏簡錄

入為殿

前右衛將軍襲父明安改左衛將軍遷右副點檢有

疾丞相良弼視之謂所親曰此人國器也他人有疾

吾未嘗往焉九年出為東北路招討使兼德昌軍節

度使仍賜金帶到官治有勤績邊境以安其斷獄公

平道不拾遺遷臨潢尹兼本路兵馬都總管蕃部畏

服改西北路招討使上遣使宣諭曰今諸部初附命

汝撫綏當使治聲達於朕聽十二年卒扎拉性忠實
內明敏每論大事超越倫輩太師勛嘗曰扎拉不學
而知方之古人如此才鮮矣金史本傳

吉林通志卷八十二

人物志十一 金十

內族襄

完顏安國

圖克坦鎰

鄂屯襄

瓜爾佳錫爾格

完顏阿里巴斯

完顏特爾格

納塔謀嘉

赫舍哩

富察思忠

呼實默

瓜爾佳實倫

內族襄

本傳作丞相襄
依詳校本改

本名安

原作

昭祖五世孫也

祖實古納

原作習
古迺

上京世襲明安

金史本傳

自有傳

薩哈

襄幼有志節善騎射多勇略年十八襲爵大定初以

本部兵從默音

原作謀衍

討契丹斡罕

原作窩斡

戰於肇州之

長灤襄先登鏖擊七戰皆勝足中流矢裹創而鬪奮

氣愈厲默音握其手曰今日之捷皆公力也賊走霧

鬆河追及之所駐地多草賊乘風縱火襄立空地以

埃戰十餘合賊益困襄勸默音今不乘此殄滅後將

有悔默音不從已乃復從布薩

原作僕散

忠義追賊至陷

泉率左翼

傳作右翼依詳校本改

身先奮擊賊大潰人馬相蹂

而死陷泉幾平論功第一

宏簡錄

有司擬淄州刺史詔

特授亳州防禦使時年二十三宋人犯南鄙襄為潁

壽都統率甲士二千人渡潁水敗敵兵五千復潁州

擒宋帥楊思次濠州宋將郭太尉退保橫澗山襄攻

之伏弩射中其膝督攻愈急拔之獲郭太尉既而趨

潁州襄為先鋒將至清流關得宋偵者知敵欲三道

夜出掩我不備左副元帥赫舍哩

原作紇石烈

志宵問計

襄曰今兵少地隘儻不得關敵至我無所據必先取

之曰我與若孰往襄曰元帥國家大臣詎宜輕動襄

當為公往取志宵趨之襄率騎二千分二道一出衝

路自以千兵間道潛登既近敵始覺襄攻克之據其

關志宵履行戰地顧謂曰克敵於不可勝之地真天

下英傑也及宋乞盟班師召爲拱衛直都指揮使改

殿前右衛將軍轉左衛出爲東北路招討都監遷率

賓原作速頻路節度使移海蘭原作曷懶路兵馬都總管金史本傳

會志甯疾甚世宗臨問薦襄智勇兼濟有經世才他

人莫及異時任用殆勝於臣卽召授殿前左副都點

檢宏簡錄爲宋生日使宋方祈免親接國書襄至宋人

屢來議皆折之迄成禮而還授陝西路統軍使賜之

尙服殿馬鞍勒佩刀改河南統軍使入爲吏部尙書

轉都點檢賜錢千萬世宗謂宰執曰襄爲人甚蘊藉

非直日亦入宮規畫諸事事有所付乃退其公勤如

此若襄之才豈多得哉擢御史大夫踰月拜尙書右

丞諭之曰卿在河南經制邊事甚有統紀及在吏部

至爲點檢尤奉公守法朕甚嘉之近長憲臺亦以剛

直聞是以委以機政史作政機依詳校本移改其益勉之未幾進

拜左丞襄在外任治有異效至是朝廷以褒賞廉吏

詔天下列其名以示獎勵二十三年進拜平章政事

封蕭國公世宗以金源郡王世嫡皇孫將加王爵詔

擇國號襄曰爲天下大計必先正其本原者本也請

封原從之故事諸部族節度使及其僚屬多用弘人

而頗有私縱不法者議改用諸色人襄曰北邊雖無

事恆須經略之若杜此門其後有勞績何以處之請
如舊他日議及古有監軍之事襄曰漢唐初無監軍
將得專任故戰必勝攻必克及叔世始以內臣監其
軍動爲所制故多敗而少功若將得其人監軍誠不
必置並嘉納之詔受北部進貢使還世宗問邊事具
圖以進因上羈縻屬部鎮服達實原作大石之策詔悉行
之進右丞相徙封戴世宗不豫與圖克坦原作徒單克甯
平章政事張汝霖宿內殿同受顧命章宗初即政議
罷僧道奴婢太尉克甯奏曰此蓋成俗日久若遽更
之於人情不安陛下如惡其數多宜嚴立格法以防

濫度則自少矣襄曰出家之人安用僕隸乞不問從

初如何所得悉放爲良若寺觀物力元係奴婢之數

推定者並合除免詔從襄言金史本傳初遼以良民爲二

稅戶輸稅於寺歲久皆以爲奴至是盡釋爲良李晏傳

凡一千七百餘戶萬三千九百餘口食貨志明昌元年

同知棗州防禦使喜上封事歷詆宰執太傅克甯奏

喜所言襄預知之於是詔喜還本明安而襄出知平

陽府事移知鳳翔歷西京留守召授同判大睦親府

事進樞密使復拜右丞相改封任金史本傳屬邊事急命

代清臣將佩金牌便宜從事臨宴慰遣賜以安山細

鎧及戰馬二宏簡錄時呼必原作胡正弘亦叛嘯聚北京臨

潢之間襄至遣人招之即降遂屯臨潢頃之出師大

鹽濼復遣右衛將軍完顏克進軍烏魯斯原作幹魯速城

欲屯守俟隙進兵繪圖以陳議者異同即召面論厚

賜遣還未幾密詔進討乃命支軍出東道襄由西道

而東軍至龍駒河為準布原作阻所圍三日不得出求

援甚急或請俟諸軍集乃發襄曰我軍被圍數日馳

救之猶恐不及豈可後時即鳴鼓夜發或請先遣人

報圍中使知援至襄曰所遣者倘為敵得使知我兵

寡而糧在後則吾事敗矣乃益疾馳明距敵近眾

請少憩襄曰吾所以乘夜疾馳者欲掩其不備爾緩

則不及嚮晨壓敵突擊之圍中將士亦鼓噪出大戰

獲輿帳牛羊眾皆奔斡勒嘉原作幹里札河遣完顏安國

追躡之眾散走會大雨凍死者十八九降其部長遂

勒勳九峰石壁捷聞上遣使厚賜以勞之別詔許便

宜賞賚士卒九月赴闕拜左丞相監修國史封常山

郡王宴慶和殿上親舉酒飲解所服玉具史作貝依詳校本改

佩刀以賜俾即服之十月準布復叛襄出屯北京會

羣牧使契丹德壽大金志作得壽圖卜蘇原作隋等據信州叛

偽建元曰身聖金史本傳以毛尾為大帥主大金國志眾號數

十萬遠近震駭襄閑暇如平日人心乃安初襄之出鎮也至石門鎮密謂僚屬曰北部犯塞奚足慮第恐奸人乘隙而動北京近地軍少當預爲之備卽遣官發上京等軍六千至是果得其用臨潢總管烏庫哩

原作烏古論

道遠咸平總管富察

原作蒲察

守純分道進討擒

德壽等送京師契丹之亂廷臣議罷郊祀又欲改用正月上辛上遣使問之對曰郊爲重禮且先期詔天下又藩國已報表賀今若中罷何以副四方傾望之意若改用正月上辛乃祈穀之禮非郊見上帝之本意也大禮不可輕廢請決行之臣乞於祀前滅賊旣

而賊破果如所料郊禮成進封南陽郡王始討契丹自龍虎衛上將軍節度使以下許承制授之襄以爲賞罰之柄非人臣所預不敢奉詔賊平請委近臣諭旨將士使知上恩乃遣李仁惠持宣三十敕百五十視功給之方德壽之叛諸虜亦剽略爲民患襄慮其與之合乃移諸虜居之近京地撫慰之或曰虜人與北俗無異今置內地或生變奈何襄笑曰虜雖雜類亦我之邊民若撫以恩焉能無感我在此必不敢動後果無患尋詔參知政事裔代領其軍入見賜錢五千萬以內艱免

傳文上有明年二字依詳校本削

翼日起復視事時

議以契丹戶之驅奴尙眾乞盡鬻以散其黨襄以爲
非便奏請量存口數餘悉官贖爲良上納之北部復
叛裔戰失律復命襄爲左副元師莅師尋拜樞密使
兼平章政事屯北京民方艱食乃減價出糶倉粟以
濟之或以兵食方闕爲言襄曰烏有民足而兵不足
者卒行之民皆悅服時議北討襄奏遣同判大陸親
府事宗浩出軍泰州又請左丞衡於撫州行樞密院
出軍西北路以邀準布而自帥兵出臨潢上從其策
賜內庫物卽軍中用之其後色徹原作斜出部族詣撫州
降上專使問襄襄以爲受之便賜寶劍詔度宜窮討

乃令士自齎糧以省輓運進屯於默音埒里

原作汚移刺烈

額穆爾蘇

原作烏滿埽

等山以逼之請就用步卒穿濠鑿

障起臨潢左界北京路以爲阻塞言者多異同詔問
方略襄曰今茲之費雖百萬貫然功一成則邊防固
而戍兵可減半歲省三百萬貫且寬民轉輸之力實
爲永利詔可襄親督視之軍民並役又募饑民以傭
卽事五旬而畢於是西北西南路亦治塞如所請無
何泰州軍與敵接戰宗浩督其後殺獲過半諸部相
率送款襄納之自是北陲遂定襄還臨潢減屯兵四
萬馬二萬匹上以信符召還遣近臣迎勞於途旣至

復撫問於第入獻邊機十事皆爲施行仍厚賜之復拜左丞相初襄至自軍上諭宰臣曰樞密使襄築立邊堡完固古來立一城一邑尙有賞賚卽欲拜三公三公非賞功官如左丞相亦非賞功者雖然可特授之遣左司郎中珠勒根阿哈原作阿勒根阿海降詔褒諭四年正月進拜司空領左丞相如故襄重厚寡言務以鎮靜守法每掾有所稟必問曰諸相云何掾對某相如是某相如是襄曰從某議其事無有異者識者謂襄誠得相體時上頗更定制度初置提刑司又議設清閑職位如宋朝宮觀使以待年高致仕之官襄言

年老致仕朝廷養以俸廩恩禮至渥老不爲退復有省會之法所以抑貪冒長廉節若擬別設恐涉於濫又言省事不如省官今提刑官吏多無益於治徒亂有司事議者以謂斯乃外臺不宜罷臣恐混淆之辭徒煩聖聽且憲臺所掌者察官吏非違正下民冤枉亦無提點刑獄舉薦之權若已設難以遽更其採訪廉能不宜隸本司宜令監察御史歲終體究仍不時選官廉訪上皆聽納時方旱襄及平章政事張萬公參政布薩揆等上表待罪金史本傳上曰卿等何罪殆朕所行有不逮者萬公進曰天道雖遠實與人事相通

唯聖人言行可以動天地昔成湯引六事自責周宣
過災而懼側身修行莫不修飭人事方今宜崇節儉
不急之務無名之費可俱罷去上曰災異不可專言
天道必先盡人事耳故孟子謂王無罪歲左丞相守
貞曰陛下引咎自責社稷之福也上由是以萬公所
言張萬公傳召翰林學士黨懷英草罪已詔而諭襄等視
事泰和元年春承命馳禱於亳州太清宮及后土方
嶽金史本傳既而止之師兒傳以其世封遠特改授河間府
算卓和原作算術海明安明年皇子生襄復自請報謝既
祀嵩嶽還次芝田之府店遂以疾薨年六十三訃聞

輟朝遣使祭於路葬禮依太師淄王克甯諡曰武昭
命張行簡銘其碑襄明敏才武過人上親待之厚故
所至有功其駐軍臨潢也有以偽書遺西京留守圖
克坦鎰欲搆以罪書聞上以書還畀襄其明信如此
既而果獲爲偽書者在政府二十年明練故事簡重
能斷器局尤寬大待掾吏盡禮用人各得所長爲當
世名將相大安間配享章宗廟廷金史本傳初襄有田在
肇州應奉翰林文字納喇呼喇勒原作納蘭胡魯喇被詔括
牛於臨潢上京等路襄家奴匿牛不以實聞呼喇勒
卽械繫正其罪而盡括之於是豪民皆懼無敢匿者

呼喇勒使還襄稱其能呼喇勒傳其得相體金史本傳有古人之風焉贊傳

完顏安國字正臣本名棟摩原作闍母其先占籍上京世

有戰功祖錫伯原作斜婆授西南路世襲哈濟原作合札穆昆

金史本傳安國沈雅沈原作雄有謀畫尤善騎射正隆元年從

軍常以少擊眾大定中為常山簿轉虹縣令選充虞

王府掾再選虞王局副使明昌元年改本局使宏簡錄

會達實原作大石部長有乞修歲貢者朝廷許其請詔安

國往使之至則率眾遠迓望闕羅拜執禮無惰容時

北準布原作阻鞮迫近塞垣隣部欲立功以誇雄上國議

邀安國俱行討之安國以未奉詔為辭強之不可或

以危言怵之安國曰大丈夫豈以生死易節暴骨邊

庭不猶愈於病死牖下眾壯其言餽贐如禮既還以

奉使稱旨升武衛軍都指揮使出為東北路副招討

未赴改西北路副招討六年左丞相瓜爾佳原作夾谷清

臣出兵以安國為先鋒都統適臨潢泰州屬部叛安

國先討定之以功遷本部招討使兼威遠軍節度使

承安元年大鹽澤之戰殺獲甚眾詔賜金幣既而右

丞相襄統大軍進安國為兩路都統大捷於多泉子

襄遣安國追敵僉言糧道不給不可行也安國曰人

得一羊可食十餘日不如驅羊以襲之便遂從其計
安國統所部萬人疾驅以薄之降其部長捷聞進官
四級遷左翼都統二年以營邊堡功召簽樞密院事
賜虎符巡史作還依詳校本改邊得以便宜從事時並塞諸部
降諭輸貢如初進拜樞密副使泰和元年授世襲西
南路延晏河明安兼哈濟穆昆帝幸慶宵宮命安國
嚴飭邊備奏西南路邊戍私竄者乞招誘以安人心
上是其言三年以疾致仕封道國公金史本傳安國在軍
旅幾十五年號令嚴明指揮卒伍如左右手又善伺
知敵人虛實及山川險易戰必身先士卒故所向輒

克宏簡錄諸部入貢安國能一一呼其祖先弟姪名字

以戒諭之諸部皆震悚甚為鄰國所畏服四年起服
前職卒上聞之輟朝赦有司葬以執政禮贈特進金史

本傳

圖克坦原作徒單鎰本名安春原作按出上京路蘇蘇原作速速保

子明安人金史本傳北京副留守烏尼音原作烏輦之子七歲

穎悟絕倫習女直字大定五年詔翰林侍講學士圖
克坦子溫以女直字譯貞觀政要白氏策林史記西
漢等書頒行四方選諸路學生三十餘人教以古書
鎰在選中最號精詣兼通契丹大小字及漢字該習

經史宏簡錄

久之樞密使完顏思敬請教女直人舉進

士下尚書省議奏初立女直進士科且免鄉府兩試

其禮部試廷試止對策一道限五百字以上待成日

在都設國子學諸路設府學並以新進士充教授士

民子弟願學者聽歲久學者當自眾即同漢人進士

三年一試從之九年八月詔策女直進士問以求賢

為治之道侍御史完顏佛甯原作蒲捏太常博士李旻應

翰林文字阿布哈原作阿不罕德甫伊喇原作移刺傑中都路

轉運使奚隋考試鎰等二十七人及第鎰授兩官餘

授一官上三人為中都路教授四名以下除各路教

授金史本傳十五年詔譯諸經選鎰為國子助教宏簡錄左

丞相赫舍哩原作石烈良弼嘗到學中與鎰談論深加

禮敬丁母憂起服國史院編修世宗嘗問太尉完顏

守道曰圖克坦鎰何如人也守道對曰有材力可任

政事上曰然當以劇任處之又曰鎰容止溫雅其心

平易久之兼修起居注累遷翰林待制兼右司員外

郎獻漢光武中興賦世宗大悅曰不設此科安得此

人章宗即位遷左諫議大夫兼吏部侍郎明昌元年

為御史中丞無何拜參知政事兼修國史章宗銳意

於治平傳原文句在人生有欲下依詳校本移正嘗論宰臣何以使民棄

末務本二語依本紀增入 鑑言人生有欲不限以制則侈心無極今承平日久當慎行此道以爲經久之治鑑因上書其略曰臣竊觀唐虞之書其臣之進言於君曰戒哉懋哉曰吁曰都旣陳其戒復導其美君子爲治也必曰稽於眾舍己從人旣能聽之又能行之又從而興起之君臣上下之間相與如此陛下繼興隆之運撫太平之基誠宜稽古崇德留意於此無因物以好惡喜怒無以好惡喜怒輕忽小善不卹人言夫上下之情有通塞天地之運有否泰唐陸贄嘗陳隔塞之九弊上有其六下有其三陛下能慎其六爲臣子

者敢不慎其三哉上下之情旣通則大綱舉而羣目張矣進尙書右丞修史如故三年罷爲橫海軍節度使改宣武軍節度使知平陽府事先是鄭王永蹈判定武軍鎬王永中判平陽府相繼得罪連引者眾上疑有黨故命鑑節度定武繼又知平陽焉改西京留守承安三年改上京留守五年上問宰臣圖克坦鑑與宗浩孰優平章政事張萬公對曰皆才能之士鑑似優者鑑有執守宗浩多數耳上曰何謂多數萬公曰微似趨合上曰卿言是也頃之拜鑑平章政事封濟國公上以烈風昏曠連日詔問變異之由時元妃

傳作淑妃依
詳校本改
李氏擅寵兄弟橫恣朝臣往往出入其
門鑑上疏略曰仁義禮智信謂之五常父義母慈兄
友弟敬子孝謂之五德今五常不立五德不興搢紳
學古之士棄禮義忘廉恥細民違道畔義迷不知返
背毀天常骨肉相殘動傷和氣此非一朝一夕之故
也今宜正薄俗順人心父父子夫夫婦婦各得其
道然後和氣普洽福祿薦臻矣因論爲政之術其急
有二一曰正臣下之心竊見羣下不明禮義趨利者
衆何以責小民之從化哉其用人也德器爲上才美
爲下兼之者待以不次才下行美者次之雖有才能

德行無取抑而下之則臣下之趨向正矣其二曰導
學者之志教化之行興於學校今學者失其本真經
史雅奧委而不習藻飾虛詞釣取祿利乞令取士兼
問經史故實使學者皆守經學不惑於近習之靡則
善矣又曰凡天下之事叢來者非一端形似者非一
體法制不能盡隱於近似乃生異論孔子曰義者天
下之斷也記曰義爲斷之節伏望陛下臨制萬機事
有異議少疑聖慮尋繹其端則裁斷有定而疑可辨
矣鑑言皆切時弊上雖納其說而不能行上問漢高
帝光武優劣張萬公對曰高祖優甚鑑曰光武再造

漢業在位三十年無沈湎冒色之事高祖惑戚姬卒
至於亂由是言之光武優上默然鎰蓋以元妃李氏
隆寵過盛故微諫云泰和四年罷知咸平府五年改
南京留守六年徙知河中府兼陝西安撫使布薩揆
行省河南陝西元帥府雖受揆節制實顯方面上思
用謀臣制之由是升宣撫使一品改鎰知京兆府事
充宣撫使陝西元帥府並受節制詔曰將帥雖武悍
久歷行陣而宋人狡獪亦資勝算卿之智略朕所深
悉且股肱舊臣故有此寄宜以長策御敵勵兵撫民
稱朕意焉鎰言初置急遞鋪本爲轉送文牒今一切

乘驛非便上深然之始置提控急遞鋪官

自中都至益都府七

十五字依詳校本削

自此郵達無復滯焉七年吳曦死宋安丙

分兵出秦隴閒十月詔鎰出兵金房以分掣宋人梁

益漢沔兵勢鎰遣行軍都統沃呀伊囉幹

原作幹勒葉祿瓦

副統巴噶罕

原作把回海

完顏果囉

原作擱刺

引步騎五千出

商州十一月伊囉幹拔鶻嶺關果囉別將攻破燕子
關新道口巴噶罕取小湖關敖倉至營口鎮破宋兵
千餘人追至上津縣斬首八百餘級取上津縣伊囉
幹破宋兵二千於平溪將趨金州宋王枏以書乞和
詔鎰召伊囉幹軍退守鶻嶺關八年春宋安丙遣景

統領由梅子溪新道口朱沙谷襲鶻嶺關巴噶罕果
囉擊走之斬景統領於陣是歲罷兵鎰遷特進賜賚
有差改知真定府事大安初加儀同三司封濮國公
改東京留守過關入見衛紹王謂鎰曰卿兩朝舊德
欲用卿爲相太尉匡卿之門人不可屈卿下之遷開
府儀同三司佩金符充遼東安撫使三年改上京留
守中都事亟選兵二萬入衛朝廷嘉之徵拜尙書右
丞相監修國史鎰言自用兵以來彼聚而行我散而
守以聚攻散其敗必然不若入保大城併力備禦昌
桓撫三州素號富實傳作貴依
詳校本改人皆勇健可以內徙

益我兵勢人畜貨財不至亡失平章政事移喇按氏
下脫

其名參知政事梁瑄曰如此是自蹙境土也衛紹王以

責鎰鎰復奏曰遼東國家根本距中都數千里萬一

受兵州府顧望必須報可誤事多矣可遣大臣行省

以鎮之衛紹王不悅曰無故置行省徒搖人心耳其

後失昌撫桓三州乃大悔曰從丞相之言當不至此

頃之東京不守金史
本傳鎰墜馬傷足在告聞呼沙呼原
作

胡沙虎難作命駕將入省或告軍士守省府相幕皆不

可入乃復還第呼沙呼意方猶豫不能自定亟從人

望詣鎰問疾宏簡
錄鎰謂之曰翼王章宗之兄顯宗長

子眾望所屬元帥決策立之萬世之功也呼沙呼默
然而去乃迎宣宗於彰德呼沙呼既殺圖克坦南平
欲執其弟知真定府事銘鑑說之曰車駕道出真定
鎬王家在威州河北人心易搖銘有變朝廷危矣不
如與之金牌奉迎車駕銘必感元帥之恩呼沙呼從
之至甯貞祐之際轉敗為功惟鑑是賴焉宣宗即位
進拜左丞相封廣平郡王授中都路德勒圖原作迭魯都
世襲明安富爾錦原作蒲魯吉必喇原作必刺穆昆魯都鑑尙有足
疾詔侍朝無拜明年鑑建議和親言事者請罷按察
司鑑曰今郡縣多殘毀正須賴之撫集不可罷遂止

宣宗將幸南京鑑曰鑾輅一動北路皆不守矣今已
講和聚兵積粟固守京師策之上也南京四面受兵
遼東根本之地依山負海其險足恃備禦一面以為
後圖策之次也不從是歲薨詔賻贈從優厚鑑明敏
方正學問該貫一時名士皆出其門多至卿相嘗歎
文士委頓雖巧拙不同要以仁義道德為本乃著學
之急道之要二篇太學諸生刻之於石有宏道集六
卷金史本傳當呼沙呼之難鑑拱揖一語而宣宗立厥功
懋矣君子之言其利溥哉贊傳
鄂屯原作與屯襄本名添壽上京路人大定十年襲明安

丞相襄舉通練邊事授崇義軍節度副使改烏庫哩

原作烏古論 弘詳袞召為都水少監石州刺史未幾為平

南盪江將軍以功授壽州防禦使遷河南路副統軍

兼同知歸德府事昌武軍節度使仍兼副統軍崇慶

改元為元帥左都監救西京至墨谷口一軍盡殪襄

僅以身免坐是除名明年授上京兵馬使宣宗即位

擢遼東路宣撫使未幾改率賓原作速頻路節度使同知

上京留守事二年二月為元帥右都監行元帥府事

於北京五月改留守兼前職俄遷宣撫使兼留守金史

本傳與遼東路宣撫史布希萬努原作蒲鮮萬奴宣差富察烏

錦原作蒲察五斤不協詔諭曰上京遼東皆國家重地以卿

等累效忠勤故委之腹心意其協力盡公以徇國家

之急及詳來奏乃大不然自今每事同心併力備禦

尙懲前過以圖後功明年正月萬努果反宏簡錄取咸

平東京瀋澄諸州及明安穆昆人亦多從之和勒襄端傳

遂為宣差提控完顏錫林原作習烈所害未幾錫林復為

其下所殺詔曲赦北京金史本傳

瓜爾佳錫爾格原作夾谷石里哥上京路明安人明昌五年

進士泰州防禦判官補尙書省令史歷臨潢博索原作

速路都總管判官累除刑部主事改薊州副提控駐

軍大名俄遷翰林待制爲宿州提控與山東宣撫完
顏弼攻大沫堦賊眾千餘逆戰錫爾格以騎兵擊之
盡殪提控默埒原作沒烈入自北門擒劉二祖以功遷武
衛軍副都指揮使坐前在宿州掠良人爲生口當死
特詔決杖八十徙洺州防禦使山東路副統軍復坐
不時進兵解職起爲東平軍提控興定元年破宋兵
於宿州以功遷授安化軍節度使移定海軍卒金史本傳
完顏阿里巴斯原作阿里不孫字彥成海蘭原作曷懶路特克新
必喇原作申必刺明安人明昌五年進士調易州忻州軍
事判官安豐縣令補尙書省令史除興平軍節度副

使應奉翰林文字轉修撰充元帥左監軍赫舍哩原作

乾石烈執中經歷官大安初改戶部員外郎鈞州刺史

執中行樞密院於西京復以爲經歷官改咸州刺史

貞祐初累遷國子祭酒歷越王濮王傅改同知平陽

府事兼本路宣撫使召爲兵部侍郎遷翰林院侍講

學士改陝西路宣撫副使遷元帥左都監改河平軍

節度使河北西路宣撫使改御史中丞遼東宣撫副

使再閱月權右副元帥參知政事遼東路行尙書省

事賜御衣廢馬安山甲上京行省富察烏錦原作蒲察五斤

奏其功賜金百兩絹百疋興定元年眞拜參知政事

權右副元帥行尙書省元帥府於博索原作婆速路承制

除拜刺史以下金史本傳時布希萬努原作鮮萬奴侵掠博索

之境烏錦入朝遼東兵勢愈弱烏錦留左翼提控四字

據完顏江山守肇州江山亦懷去就及上京宣撫使

富察伊埒圖原作蒲察棄官奔南京傳作改陝西參

正而伯特呼圖原作伯遂有異志宣撫使海努原作海奴

不迎制坐而受詔阿里巴斯械繫之矯稱有詔大赦

諸道眾乃稍安呼圖與知廣甯府事温特赫成格勒

原作温廸罕青狗約為兄弟內忌阿里巴斯伊埒圖奏二人

不協無使相隸宣宗召成格勒成格勒不受詔阿里

巴斯殺之呼圖懷怨乃以兵戕殺阿里巴斯權都監

納塔裕原作納與監軍温特赫格綳額原作哥參議

軍事郭澍謀誅呼圖未敢發會烏錦遣副留守瓜爾

佳諳達原作夾左右司員外郎穆延都倫原作抹詣

裕計事以謀告之二人許諾乃召呼圖至帳中殺之

阿里巴斯寬厚愛人敏於吏事能治劇要識者以為

用之未盡云及是贈平章政事封芮國公宏簡錄

完顏特爾格原作鐵哥世為率賓原作速頻路海蘭哈達原作曷懶

合明安年二十四金史本傳襲世爵丞相授廣威將軍性

純直貌雄偉粗通書御下惠愛察廉除臨海軍節度

副使改達喇原作底刺弘詳衮丞相襄行省於北京特爾格為先鋒萬戶有功丁母憂起遷同知武勝軍節度使事充右副元帥完顏匡副統號平南盪江將軍攻光化軍王統制以步騎出東門逆戰特爾格擊卻之拔鹿角奪門以入遂克之進攻襄陽為前驅獲生口知江渡可涉處陰植標以識之大軍至尊之濟屢戰皆捷以勞進官兩階匡圍德安特爾格總領攻城築壘於德安鳳凰臺並城作甬道立鸞車對樓攻之擊走張統制兵時暑還屯鄧州兵罷進官兩階遷同知臨潢府事改西南路副招討宿州防禦使貞祐二年

樞密使圖克坦都呼原作徒單度移刺以特爾格充都統入

衛中都遷東北路招討使兼德昌軍節度使布希萬

努原作蒲鮮萬奴在咸平忌特爾格兵強牒取所部騎兵二

千又召泰州軍三千及戶口遷咸平特爾格察其有

異志不遣宣撫使承充召赴上京命伐扶餘原作蒲與路

既還適萬努代承充為宣撫使撫前不發軍罪下獄

被害諡勇毅金史本傳

塔納原作塔坦謀嘉上京路音德爾原作牙塔懶明安人金史本傳

初習策論舉業大定二十六年選入東宮教鄆王琮

瀛王瓌讀書以終場舉人試補上京提刑司書史以

廉能著承安元年契丹陀鎖寇掠韓州信州提刑司
問書史誰入奏者皆難之謀嘉請行五年特賜同進
士出身宏簡錄調東京教授湯池主簿太學助教丁母
憂服闋累除翰林修撰兼修起居注監察御史貞祐
初遷吏部員外郎翰林待制侍御史完顏寓舉謀嘉
才行志在匡國可預軍政充元帥府經歷官中都
被圍食且盡胥鼎奏京師官民能贍足貧民者計所贍
遷官先給據謀嘉不受據而去中都危急謀嘉曰帥
臣統萬眾不能出城一戰何如自縛請降耶宣宗議
遷都謀嘉曰不可河南地狹士薄他日宋夏交侵河

北非我有矣當選諸王分鎮遼東河南中都不可去

也不聽頃之除唐州刺史入爲太常少卿兼左拾遺

遷鄭州防禦使改左諭德轉少詹事使宋

二字依詳校本增

攝御史中丞未幾攝太子詹事興定元年潼關失守

遷河南統軍使兼昌武軍節度使攝樞密院事行院

許州汰去冗食軍士二千餘人上書諫伐宋不聽三

年降潁州防禦使有告宋人將襲潁州者已而宋兵

果至謀嘉有備乃引去有司上功不及告者謀嘉請

而賞之四年召爲翰林侍講學士兼兵部侍郎同修

國史卒

金史本傳

富察

原作蒲察

思忠本名烏延

原作畏也

隆安路海蘭

原作曷懶烏

珠

原作兀朮

明安人大定二十五年成進士調文德瀨陰

主簿國子助教應奉翰林文字太學博士累遷涿州
刺史吏部郎中遷潞王傅被詔與翰林侍讀學士張
行簡討論武成王廟配等列思忠奏曰伏見武成王
廟配享諸將不以世代為先後按唐祀典李靖李勣
居吳起樂毅上聖朝太祖以二千之眾破百萬之師
太宗克宋成此帝業秦王宗翰宋王宗望羅索原作婁室
古新與前代之將各以功業閒列可也思忠論多矯
飾不盡錄錄其頗近理者云遷大理卿兼左司諫同

修國史泰和六年平章政事布薩

原作僕散

揆宣撫河南

詔以備禦攻守之法集百官議於尚書省廷臣尚多
異議思忠曰宋人攻圍城邑動至數千不得為小寇
但當選擇賢將宜攻宜守臨時制變無不可者上以
為然頃之遷翰林侍講學士兼左諫議大夫大理卿
同修國史如故再閱月兼知審官院正職外兼四職
自思忠始宋人請和賜銀五十兩重綵十端丁母憂
起服侍講學士兼諫議修史知審官院轉侍讀兼兵
部侍郎金史本傳頃之遷太子太保明昌二年春享太廟
思忠攝太尉醉毆禮直官御史臺劾奏降秘書監終

翰林學士宏簡錄

赫舍哩呼實默原作紇石烈胡失門上京路明安人明昌五年

進士累補尙書省令史除中都路度支判官調河北

東路都管勾判官累官翰林直學士大理卿右諫議

大夫興定三年傳作二年依本紀改正伐宋充元帥左都監赫

舍哩約赫德原作牙吾塔參議官行省布薩原作僕散安貞劾

奏約赫德違詔背約至楚州不待節制輒進兵直前

至江而復宋人堅壁不出野無所資傳作掠依詳校本改軍士

疲乏饑死相望呼實默坐不矯正乞朝廷治罪特詔

原之宏簡錄改同知彰德府事五遷吏部尙書五年拜

御史大夫元光元年兼大司農二年薨宣宗輟朝百

官致奠金史本傳

瓜爾佳實倫原作古里甲石倫隆安人以武舉登第為人剛

悍頗自用所在與人不合宣宗以其勇善戰每任用

之貞祐二年累遷副提控太原府判官金史本傳與從宜

都提控振武軍節度使完顏富拉塔原作蒲刺都議拒守

不合交章論列詔各分統其兵未幾遷同知太原府

事奏請招集義軍設置長校各立等差制可四年遷

河東宣撫副使轉絳陽軍節度使權經略使尋知延

安府事兼鄜延路兵馬都總管元兵圍忻州詔率兵

往援護其民人咸入太原保全甚眾興定元年七月
改河平軍節度使兼衛州管內觀察使太原知府烏
庫哩原作烏古論德升言其不救汾州命有司議罪詔赦
之諭以朕初謂汝勇果爲國盡力故倚以濟事尋聞
汝嗜酒不法然皆瑣屑乃若不救汾州豈細事哉有
司議罪如此汝其悉之益當戮力以掩前過十二月
遷鎮西軍節度使兼嵐州管內觀察使行元帥府事
二年四月奏言去歲北兵破太原遊兵時入嵐州境
官民將士悉力悍禦卒能保守無虞向者河東內郡
皆駐以精甲實以倉儲視邊城尤爲完富然敵兵一

至相繼淪沒當大軍初入郡縣倉皇非帥府控制則
隩管保德岢嵐甯化皆不可知矣今防秋不遠乞朝
廷量加旌賞務令益盡心力易以鎮守詔樞密院有
功者各遷一級仍降授空名宣敕三年二月又奏向
者并汾旣破兵入內地臣謂必攻平陽將及潞州還
當由隆州谷以入太原請兵扼其歸路朝廷不以爲
然旣而皆如臣料始太原失守河東民皆攜老幼徙
居山險無人從賊意敵不能久留且望官軍復至今
敵居半歲遣步騎擾諸保聚官軍竟無至者民豈能
久抗乎夫太原河東之要郡平陽陝西河南之藩籬

也若敵兵久不去居民盡從屯兵積糧以固基本復擾郡縣之未殘者則邊城指日皆下矣北路不守則南路爲邊去陝西河南益近臣竊憂之故復請兵以圖戰守而樞府檄臣并將權太原治中郭遙祖義軍萬餘人糧五千石會汾州權元帥府右都監穆延呼喇原作抹復太原臣召遙祖欲號令其眾遙祖不從撚胡刺但稱李天祿等軍未嘗親閱問糧曰散在數處蓋其情本欲以已有兵糧冀朝廷見用以取重職不可指爲實用也然臣已遣提控實嘉烏爾欽原作石蓋等領軍以往但敵勢頗重而往者皆新集白徒絕無精

銳恐不能勝乞於河南陝西量分精兵以增臣力仍令陝西州郡近河東者給之資糧更令南路諸軍綴敵之南以分其勢如此庶幾太原可復也詔陝西河東行省分糧與之請兵之事以方伐宋不從三月又奏頃者臣所遣烏爾欽引官兵義兵共圖收復太原擬得注授九品之職及有功軍士宜速賞之以請於朝執政以爲賞功罰罪皆須中覆臣謂河東去京師遠移報往返率數十日矧官軍皆敗亡之餘鋒銳略盡義兵亦不習行陣無異烏合以重賞誘之猶恐不爲用况有功而久不見報乎夫眾不可用則不能退

敵敵不退則太原不可復太原不可復則平陽之勢日危而境土日蹙矣今朝廷抑而不許不過慮其濫賞耳借使有濫賞之弊與失太原孰重詔乃從其請自太原治中及他州從七品以下職四品以下散官並聽遷調是月復言日者遣軍潛傳作清依詳校本改擣敵壘而原作蒲察桓端拒而不發又召同知甯邊軍節度雅里雅勒呼原作姚里鴉鶻與之議兵竟不聽命近委石州刺史納哈塔旺結原作納合萬家權行六部辭以他故約武州刺史郭憲率所部併進亦不至臣位當方面而所統官屬並不稟從乞朝廷嚴加懲戒庶人

知職分易以責辨宰臣惡之反奏和勒端雅勒呼已經奏改實倫身兼行部不自規畫而使旺結往來應給石州無人恐亦有失武州邊郡正當兵衝使憲率軍離城敵或乘之孰與守禦旺結等不從未爲過也上以爲然因遣諭實倫曰卿嘗任歸德行院衛州防備之事非不素知乃以步騎爲請何耶比免卿罪特授三品卿當誓以死報今自謂河南之眾必不可分但圖他日得以藉口耳所爲如此豈報國之道哉旺結等若必懲戒彼中誰復可使者姑爲容忍可也閏三月實倫駐兵太原之西俟諸道兵至進戰宏簡聞錄

脅從人頗有革心上言於朝乞降空名宣敕金銀符

許便宜遷賞以招誘之上從其請並給付之仍聽注

五品以下官職金史本傳六月遷金安軍節度使行帥府

事於葭州時鄜州元帥內族承立慮夏人入寇遣納

哈塔邁珠原作買住以兵駐葭州實倫不奏輒分留其兵

千八百人論罪當絞遇赦乃止除名元光元年起為

鄭州同知防禦使以罪除名尋令白衣領職復以罪

免正大八年元兵入河南以權元帥左都監令代昌

武軍節度使銀祐祿同周原作粘葛全周領兵詔諭卿先朝

宿將甚有威望故起拜是職元帥蘇椿武監軍皆曉

兵事宜與同議勿復如前不睦時游兵已至許實倫

赴鎮幾為所獲數日兩省軍敗潰軍踵來實倫遣歸

順軍提控嵐州人高珪往偵因持在州軍馬糧草數

目奔於元軍仍告以城池深淺俄元兵至城下令鳳

翔府韓壽孫持檄招降言三峯敗狀實倫與椿就市

中斬之無何武監軍偏裨何魏輩開東門內族安春

原作按春開南門瓜爾佳太守開西門元軍乃入城擒蘇

椿怒其不屈殺之實倫投廨後井中死宏簡錄同周自

縊州廨同周名暉字子陽策論進士蘇椿大名人金史

本傳

吉林通志卷八十三
本朝
錄其不願歸之貨論其歸於中丞
開南門及爾卦太子
中丞
歸其不願歸之貨論其歸於中丞
開南門及爾卦太子
中丞
歸其不願歸之貨論其歸於中丞
開南門及爾卦太子
中丞

吉林通志卷八十三

人物志十二 金十一

赫舍哩志宵

圖克坦喀齊喀

完顏守道

完顏薩哈

赫舍哩志宵本名薩哈連原作撒字從道族帳部上

京和坦原作胡塔明安二字依詳校本增人也自五代祖大尉罕

齊原作韓赤以來與國家世為甥舅父薩巴海陵時賜名

懷忠為泰州路顏河穆昆轉明安嘗為東平尹開遠

軍節度使志甯沈毅有大略娶梁王宗弼女永安縣

主宗弼於諸婿中最愛之金史本傳嘗謂曰汝效阿薩爾

原作之為人可以幾古人矣移刺溫傳皇統間為護衛海

陵以為右宣徽使出為汾陽軍節度使入為兵部尚

書改左宣徽使都點檢遷樞密副使開封尹契丹薩

巴原作反金史本傳屢討無功宏簡錄於是志甯為北面本傳

作西北面依副統與都統白彥敬原作以北京臨潢

泰州三路軍討之至北京世宗已即位乃與彥敬俱

降金史本傳語詳彥敬傳宏簡錄尋授保州同知部曲錄往征

幹罕原作以為臨海軍節度使統右翼軍敗幹罕於

長樂賊西走追及於霧霖河賊已先渡依岸為陣令

萬戶瓜爾佳原作清臣圖克坦和羅原作自下流

渡河追之數里得平地將士方食賊眾奄至志甯軍

急整陣賊自南岡馳下衝陣者三志甯力戰流矢中

左臂大軍畢至賊據上風縱火會天降雨風煙乃熄

遂奮擊大破之上使富察原作迺至軍中宣諭代完

顏福壽為元帥右監軍封定國公宏簡錄賊略懿州界

陷靈山同昌惠和三縣睥睨北京會土河水漲賊不

得渡乃西趨三韓縣金史本傳諸將皆言馬瘦弱不堪追

襲欲止志甯因獲候人知賊自選精銳以羸兵護其

母妻由別道西走期於山後會集亟與清臣追及之

盡獲其輜重俘五百餘人雜畜不可勝計偽節度使

六及其部族皆降宏簡錄 幹罕走奚中至七渡河復敗

之賊過渾嶺入於奚中志甯獲賊將碩和卓原作稍合住

釋弗殺許以官賞縱之歸約以捕幹罕自效碩和卓

既去見幹罕秘不言見獲事乃反間奚人於幹罕曰

陷泉失利奚人有貳志不可不察當是時幹罕屢敗

其下亦各有心碩和卓與賊帥錫勒塔干執幹罕詣

右都監完顏思敬降志甯與萬戶清臣宗甯酥格原作

速哥等追捕餘黨至燕子城盡得所畜善馬因至茂巴

勒達原作抹之地悉獲之逆黨既平入朝為左副元

帥賜以玉帶經略宋事駐軍睢陽金史本傳遣完顏王祥

復取蔡州宋將黃觀察遁去是時幹罕黨人瓜里扎

巴原作括降宋謀夏月膠解北人弓不可用與李世

輔攻靈壁虹縣遂陷宿州宏簡錄 志甯以精兵萬人發

自睢陽趨宿州中使來督軍志甯附奏曰此役不煩

聖慮但恐世輔遜去耳世輔聞志甯軍止萬人甚易

之曰當令十人執一人也瓜里等問候人所見旗幟

知是志甯謂世輔曰此薩哈連監軍也軍至萬人慎

毋輕之五月二十日志甯將至宿州仍令從軍盡執

旗幟駐州西爲疑兵三明安兵駐州南自以大軍駐
州東南扼其歸路世輔望見州西旌旗蔽野謂大軍
在焉而謂東南兵少不足慮先擊之以步騎數萬皆
執盾背城爲陣外以行馬捍之使別將將兵三千出
自東門欲自陣後攻志甯軍萬戶芬徹原作蒲查擊敗之
右翼瓜爾佳清臣爲前行撤毀行馬短兵接戰世輔
軍亂諸將乘之追殺至城下是夕世輔盡按敗將將
斬之其統制常吉懼而來奔盡得城中虛實明日世
輔悉兵出戰騎兵居前乃使瓜爾佳清臣當之遇別
將踵擊四字從宏簡錄省文其將不能反旆志甯麾軍力戰世

輔復大敗走者自相蹈藉僵尸相枕爭城門而入門
填塞人人自阻遂緣城而上自濠外射之往往墮死

世輔乘夜脫走遂復宿州四字依詳校本增明日瓜爾佳清

臣張師忠追及世輔斬首四千餘赴水死者不可勝

計獲甲三萬餘他兵仗甚眾上以御服金線袍玉吐

鶻賓鐵佩刀使伊喇原作移刺就軍中賜之凡有功將士

明安穆昆並如陝西遷賞詔志甯曰卿雖年少前征

契丹戰功居最今復破大敵朕甚嘉之金史本傳及宋議

和不決移軍臨潢遂渡淮取盱眙濠濮和滁等州宋

人懼乃決意請和志甯還軍睢陽復賜御服玉佩刀

通犀御帶

金史本傳

大定五年三月

世宗紀

駐軍南京五月

召至京師拜平章政事賜玉束帶還軍諭以南服雖

定日月尚淺卿須一往規畫

宏簡錄

六年二月還京師

拜樞密使七年十一月八日皇太子生日宴羣臣於

東宮志甯奉觴上壽上悅顧謂太子曰天下無事吾

父子今日相樂皆此人力也使太子取御前玉大杓

酌酒上手飲志甯卽以玉杓黃金五百兩賜之以第

十四女下嫁志甯子諸神努

原作諸神奴

八年十月進幣

宴百官於慶和殿皇女以婦禮謁見志甯夫婦坐而

受之歡飲終日夜久乃罷九年拜右丞相十一年代

宗敘北征既還遣使者迎勞賜以弓矢玉吐鶻入見

上慰勞良久是日封廣平郡王復遣使就第慰勞之

以玉帶賜志甯上曰此梁王宗弼所服者故以賜卿

郊祀覃恩進封金源郡王

金史本傳

十二年志甯有疾日

遣中使候問四月丙寅疾亟賜金丹三十粒已不能

言但稽首而已是日薨上輟朝臨奠行哭而入哀動

左右

宏簡錄

將葬上致祭見陳甲柩前復慟哭之賻銀

千五百兩重綵五十端絹五百疋葬事祠堂皆從官

給諡武定十五年圖像衍慶宮

金史本傳

志甯妻妬甚嘗

殺孕妾後諸子皆病亡世宗遣使諭其妻丞相有三

大功先朝舊臣自秦宋二王餘皆不及令養其孽子
當如親子二十二年上又問忠義志甯孰愈左丞相
襄奏曰忠義兵權精緻此其所長上曰不然志甯臨
敵身先士卒勇敢之氣自太師梁王未有如此明昌
五年配享世宗廟廷宏簡錄

布薩原作僕散忠義本名烏哲原作烏者一作僕散權繫年要錄

作大懷忠中興禦侮錄上京博勒和原作拔河人宣獻皇

后姪世宗元妃僕散氏之兄也世宗僕散氏五字依昭德皇后傳補入

高祖幹喇布原作幹魯布曾祖瑣都原作班觀祖呼蘭原作胡闌父

博羅原作背魯金史本傳皆世襲穆昆博索原作婆速路統軍使宏簡

錄忠義魁偉長髯喜談兵年十六領本穆昆兵從宗

輔定陝西行間射中宋大將宋兵遂潰由是知名帥

府錄其功承制署為穆昆宗弼再取河南表薦忠義

為明安攻冀州先登攻大名府史作大明依詳校本改以本部

兵力戰破其軍十餘萬賞以奴婢馬牛金銀重綵從

宗弼渡淮攻廬壽等州宗弼稱之曰此子勇略過人

將帥之器也金史本傳厚賞之錫默阿里傳授安遠大將軍傳

甯遠依詳校本改世襲穆昆皇統四年除博州防禦使在郡

不事田獵燕遊以職業為務依詳校本移上公餘學女直字

及古算法閱月盡能通之郡中翕然稱治忽一夕陰

晦囚徒謀爲反獄倉卒間將校皆惶駭失措忠義從容但使守更吏搥鼓鳴角囚徒以爲天且曉不敢出自就桎梏及考郡民詣闕願留詔從之八年改同知真定尹兼河北西路兵馬都總管遷西北路招討使入爲兵部尙書布薩呼圖原作僕散忽土嘗與海陵篡立倚勢陵傲同列忠義因會飲眾辱之海陵不悅出爲震武軍節度使火山賊李鐵槍乘暑來攻忠義單衣從一騎迎擊之射殺數人賊乃退改臨洮尹兼熙秦路兵馬都總管召至京師謂之曰洮河地接吐蕃木波異時剽害良民州縣不能制汝宿將故以命汝賜條

服玉具佩刀闕再考徙平陽尹使宋還

三字依詳再校本增入

徙濟南尹以本官爲漢南路行營副統制伐宋克通

化軍世宗立罷兵入朝京師拜尙書右丞

金史本傳幹罕

原作窩幹僭號兵久無功

宏簡錄

忠義請曰契丹小寇不時

殄滅致煩聖慮臣聞主憂臣辱願效死力除之世宗

大悅

金史本傳

拜平章政事兼右副元帥封榮國公賜以

御府貂裘寶鐵吐鶻弓矢大刀具裝對馬及安山鐵

甲金牌詔凡將士有犯連職之外並以軍法從事有

功者依格遷賞復諭將士兵久駐邊蠹費財用百姓

不得休息今宜同心戮力以底戡定無或馳慢忠義

至軍賊陣而西行引兵追之及於和托原作花道宗亨宗

敘分爲左右翼與賊夾河而陣眾尙八萬救至引去

過伊瑪原作移馬嶺追及於諾爾嶺原作嶺西陷泉時昏霧

四塞跬步莫覩仰天禱曰狂寇肆虐殺戮無辜天不

助惡當爲開霽祝已昏霧廓然及戰大敗之生擒其

弟僞六院司大王諾爾原作孛生口三十萬獲雜畜

十餘萬車帳金珍以鉅萬計遣使奏捷詔獎卿材能

素著果能大破賊眾朕甚嘉之今遣勞卿如朕親臨

賜卿御衣及果勒圖原作骨睹犀具佩刀通犀帶等就以

俘獲分散軍士賊平宏簡錄忠義朝京師拜尙書右丞

相改封沂國公以玉帶賜之金史本傳大定二年命居南

京總戎事節制諸將陞辭諭以宋若歸侵疆貢禮如

故則可罷兵既至簡閱士卒分屯要害戒諸將嚴守

備使副帥志甯移牒宋帥張浚如上所諭各守自來

畫定疆界凡事一依皇統以來舊約帥府亦當解嚴

如必欲抗衡請會兵相見宏簡錄宋復書曰四字依詳校本改

疆場之一彼一此兵家之或勝或負何常之有當置

勿道謹遣官寮至麾下議之是時已復泗壽鄧州金史

本傳宋人燒夷方城葉縣以來田野忠義命芻牧許汝

間俟來歲取淮南二十六字依詳校本改削三年入奏事遂以丞

相兼都元帥無何十一字慮夏久雨弓力易減宋或

乘時見攻豫選勁弓萬張於別庫及自汴赴闕議事

次濬州宋將李世輔果掩取靈壁虹縣遂陷宿州忠

義使發所貯勁弓傳作使人還汴給志甯軍與宋人

戰遂大捷竟復宿州忠義還軍傳無軍字依以書責

宋宋洪遵盧仲賢遣使二輩持與志甯書及手狀歸

海泗唐鄧州所侵地約為叔姪國金史本傳 依凡

畫定四事一叔姪通書之式二唐鄧海泗之地三歲

幣銀絹之數四叛亡俘虜之人約令十一月二十以

前持誓書來大金 國志忠義馳奏請定書式世宗詔曰若

宋人歸疆歲幣如昔可免奉表稱臣許世為姪國忠

義乃貽書宋人宋人他託未從而世宗意天下厭苦

兵革思與百姓休息詔忠義度宜以行四年正月宋

使胡昉以右僕射湯思退書來宋稱姪國不肯加世

字忠義執昉留軍中答其書使使以聞詔曰行人何

罪遣胡昉還國邊事從宜措畫忠義移軍壓淮境遣

志甯率偏師渡淮取盱眙濠廬和滁等州金史 宋將

魏勝戰死劉寶自楚州王彥自昭關南通大金 世宗

下詔進師圖克坦原作 徒單復取楚州金史 宋人懼此依

本移 八月宋遣宗正少卿魏杞來充通問使國書之

來已許割四郡但求減歲幣之半杞及疆國中以書
不如式不受又求割商秦地及歸亡人且求歲幣二
十萬杞以聞諸朝宋帝命盡依初式再易書歲幣亦
如其數大金國志於是宋周葵王之望書來依詳校本改削一一
如約和議始定宋再遣試禮部尙書魏杞崇信軍承
宣使康濟大金國志作譖充通問國信使取到宋王國書式
並國書副本宋世爲姪國酌歲幣爲二十萬兩正國
書仍書名再拜不稱大字金史本傳宋使至潁河口見忠
義志甯國書略曰修好齊盟出於初議中因曲見或
爲矛盾之言致此數年未講衣裳之會茲聆嘉報不

替舊歡仰衛社之大忠謹睦鄰之高誼已遵要束無

復異圖令與其介康濟同詣燕山國師亦罷大金國志五

年正月入見依詳校本改其書曰姪宋皇帝脊謹再拜致

書於叔大金聖明仁孝皇帝闕下魏杞還復書叔大

金皇帝不名不書謹再拜但日致書於姪宋皇帝不

用尊號不稱闕下和好已定罷兵詔天下以左副都

點檢完顏仲爲報問國信使太子詹事楊伯雄副之

金史本傳時官軍一十七萬三千有餘奏留一十一萬六

千二百屯戍上嫌其多可選馬一萬二千軍一萬五

千併舊軍通留六萬富強丁多者摘留貧難者放還

其一路全放者先發遣之賜忠義王東帶詔先還京

入朝宏簡錄上勞之曰宋國請和偃兵息民皆卿力也

拜左丞相兼都元帥金史本傳上大定初事多權制詔

有司刪定語之曰凡已奏之事朕嘗再閱卿等毋輒

懷懼朕於大臣務信任但軍國事不敢輕易恐或

有誤也對曰陛下留神萬幾天下之福臣等豈敢竊

意但智力不及耳六年正月有疾遣太醫診視賜以

御藥中使撫問相繼於道二月丁亥薨宏簡錄上親臨

哭之慟輟朝奠祭賻銀千五百兩重綵五十端絹五

百匹上將幸西京復臨奠焉命參知政事唐古原作唐括

安禮護喪事凡葬祭從優厚官為給之大宗正丞竟

充敕祭使中都轉運副使王震充敕葬使百官送葬

具一品儀物建大將旗鼓送至墳域謚武莊忠義勳

由禮義謙以接下敬儒士與人極和易侃侃如也善

御將士能得其死力及為宰輔知無不言自漢唐以

來外家多緣恩戚以至富貴又多不克其終未有兼

任將相功名始終如忠義者十一年詔曰故左丞相

忠義族人及昭德皇后親族人材可用者左副點檢

烏庫哩原作鳥古論元忠體察以聞二十一年上思忠義

功勒銘墓碑泰和元年圖像衍慶宮配享世宗廟廷

子揆別有傳

金史本傳

圖克坦喀齊喀

原作徒單合喜

上京速蘇海水人

金史本傳世襲

明安佛甯

原作蒲捏

之子喀齊喀形貌魁偉膂力過人一

經聞見終身不忘

宏簡錄

天輔間從金源郡王羅索

原作

妻為章京

原作扎也

甚愛之天會六年以功為穆昆尋領

羅索親管明安元帥府聞其才命權左翼軍事皇統

二年為隴州防禦使

金史本傳

嘗敗宋兵於高陵泰州鳳

翔及饒風關宋兵至眾以寡勝之

宏簡錄

遷平涼尹再

徙臨洮延安尹是時關陝以西初去兵革百姓失業

喀齊喀守之以靜民多還歸者天德二年為元帥左

都監陝西統軍使貞元二年以本官兼河中尹正隆

六年為西蜀道兵馬都統世宗即位手詔賜喀齊喀

曰岐國失道殺其母后橫虐兄弟流毒兆庶朕惟太

祖勩業之艱難勉膺大位卿之子弟皆自軍中來歸

卿國家舊臣豈不知天道人事卿軍不多未宜深入

當領軍屯境上陝右重地非卿無能措畫者俟兵革

既定即當召卿宜自勉之大定二年復為陝西路統

軍使未幾改元帥右都監表陳伐宋方略詔許以便

宜從事轉左都監破宋兵於華州是時宋吳璘侵古

鎮分據散關和尚原神義口玉女潭大蟲嶺石壁寨

寶雞縣兵十餘萬陷河州鎮戎軍喀齊喀乞濟師詔

益河南兵萬人喀齊喀遣丹州刺史持嘉烏蘇塔克

原作赤蓋以兵四千守德順吳璘以二十萬人圍之

胡速魯改統軍都監舒穆魯迪里原作石抹迭勒將萬人破宋兵於河

州還過德順駐兵平涼求益兵以解德順之圍喀齊

喀遣萬戶完顏實訥塔原作習泥烈大良順賓州刺史延

扎們都原作顏蓋門都各將本部兵合二萬人以順義軍節

度使烏雅富塔赫原作烏延蒲離黑統之與迪里會吳璘聞

之使偏將將兵五千人來迎前鋒都爾蘇烏頁原作特里

失烏也奚王和尚擊敗之追至德順城南小溪邊璘自

將大軍蔽岡阜而去烏頁等馳擊之迪里富塔赫繼

至併力戰日已暮兩軍不相辨乃解已而璘報云宋

主遣使至兩國講和請各罷兵璘遂遁去富塔赫亦

引軍還自宋兵圍城至是凡四十餘日乃解金史本傳押

軍明安温都富塔哈原作温敦蒲里海身先力戰其功為多

依詳校本改頃之璘復來犯陝西引軍十萬據險阻

剽掠郡邑復請益兵詔益以七千與舊號二萬遣慶

陽尹烏雅普霞努原作烏延蒲轄努延安尹高景山分領以

往彰化軍節度使璋通遠軍節度使烏雅沃里布原作

烏延吾里補賓州刺史伊喇皋善努原作移刺高山奴京兆少尹

宗室聶赫原作泥河恩州刺史完顏摩囉歡原作謀良虎皆備

軍前任使宋兵五萬圍華州押軍萬戶費摩蘇拉原作

裴滿欲堅壁守之明安伊喇薩爾拉原作移刺沙里刺曰宋

兵雖多半是商號華州並南山居民不習戰鬥不如

擊之蘇拉乃引騎兵千人敗宋前鋒追至其大軍亦

敗斬首五千餘級宋戍寶雞至大蟲嶺兵皆遞去宏簡

錄頃之璘聞持嘉烏蘇琦克等軍已去德順率兵號

二十萬復據德順陷鞏州臨洮府臨洮少尹赫舍哩

薩恰原作騷洽死之喀齊喀以璋權都統實訥琦權副統

將兵二萬攻之金史本傳璘雖屢敗恃其眾不肯去仍分

其半守秦州喀齊喀遣總管瓜爾佳扎拉與諸將議

破敵計宏簡錄璋等議曰我兵屢勝而敵兵不退者知

我軍少故也須都監親至方可破敵扎拉傳喀齊喀乃

領兵四萬駐水洛城東自六盤山西抵石山頭分兵

守之當德順秦州之兩間斷其餉道璘乃引去守德

順張安撫亦棄城遯烏蘇琦克邀擊之所殺過半擒

將校十餘人遂復德順秦州守兵亦退高景山乃走

商號聶赫復取環州於是臨洮鞏秦河隴蘭會原洮

積石鎮戎德順商號環華等州府一十六盡覆之陝

西平詔書獎諭賜以玉帶將士各照等級遷資受賞

贈官賜錢有差宏簡錄五年置陝西路統軍使兼京兆

尹元帥府移治河中府統軍使璋朝辭上曰喀齊喀

年老以陝西軍事委卿鎮防利害可訪問之七年入

為樞密副使改東京留守賜以衣帶佩刀詔曰卿年

老以此職優佚宜勉之九年入為平章政事奏睿宗

收復陝西功數事上嘉納之藏之秘府封定國公十

一年薨傳作十年上方擊毬聞訃遂罷有司致祭備

禮以葬賻銀及重綵幣帛二十一年上念其功遷其

孫薩哈原作三合武功將軍授世襲本明安海蘭烏克新

原作曷懶穆昆泰和元年配享世宗廟廷金史本傳

赫舍哩良弼本名羅索原作婁室一作師顏繫年要錄輝發原作

回川人也曾祖呼蘭原作胡懶祖特伯烈原作忒不魯父太宇

世襲佛甯原作蒲涅徙宣甯天會中選諸路女直字學生

送京師金史本傳俾上京教授貢嚕教之椿年傳良弼與納

哈塔椿年皆童外俱在選中金史本傳最號警悟椿年傳時

希尹為丞相以事如外郡良弼遇之途中望見之歎

曰吾輩學丞相文字千里來京師固當一見乃入傳

舍求見拜於堂下希尹原作古新問曰此何兒也良弼自

贊曰有司所薦學丞相文字者也希尹大喜問所學

良弼應對無懼色希尹曰此子他日必為國之令器

留之數日年十四爲北京教授學徒常二百人時人爲之語曰前有古新後有羅索其從學者皆成名年十七補尙書省令史簿書過目輒得其隱奧雖大文牒口占立成詞理皆到時學希尹之業者稱爲第一除吏部主事天德初累官吏部郎中改右司郎中借祕書少監爲宋主歲元使時納哈塔椿年爲參知政事薦良弼才出已右用是爲刑部尙書椿年傳作右司員外郎賜今名丁父憂以本官起復海陵嘗曰左丞相張浩練達事務而頗不實刑部尙書羅索言行端正無所阿諂因謂椿年曰金史本傳吾試用羅索果如卿言惟賢

知賢椿年傳卿可謂舉能矣常人多嫉勝己者卿舉勝

己者賢於人遠矣改侍衛親軍馬步軍都指揮使良弼音吐清亮海陵詔諭臣下必使傳旨聞者莫不聳動以故常被召問不踰年拜參知政事進尙書右丞賜佩刀入宮轉左丞海陵伐宋良弼諫不聽以爲右

領軍大都督海陵在淮南詔與監軍圖克坦原作貞徒單

撫定上京遼右金史本傳世宗卽位乃還就以爲南京留

守兼開封尹再兼河南都統召拜尙書右丞宏簡世錄

宗謂曰卿嘗諫正隆伐宋不用卿言以致廢隕當時懷祿偷安之人朕皆黜之矣今復用卿凡於國家之

事當盡言無復顧忌也良弼頓首謝

金史本傳 幹罕原作窩幹

敗詔佩金牌往北京招撫奚契丹還拜尙書右丞上言臣考按得祖宗已來未錄功賞者凡三十二人宜差第封賞詔凡五品已上聞奏六品以下及無官者尙書省約量遷除於是功勞畢賞進拜平章政事封崇國公詔分山東兩路明安穆昆與百姓雜居者隨宜易置務使異聚有民田互相犬牙者皆對易以官田自是無復爭訴

宏簡錄

大定六年十一月皇太子生日上置酒於東宮良弼志宵同賜酒上曰邊境無事中外晏然將相之力也

金史本傳

進拜右丞相監修國史

上謂海陵時記注皆不完人君善惡戒勸所庸若或遺逸後世何觀其令史官旁求書之又曰五從以上宗室才有可用具名聞奏其猥冗不足莅官者聞奏罷去

宏簡錄

左丞完顏守道奏近都兩明安父子兄弟

往往析居其所得之地不能自贍日益困乏上以問宰臣良弼對曰如欲父兄聚居宜以所分之地與土民相換易雖暫擾然經久甚便右丞石琚曰百姓各安其業不若依舊便上竟從良弼議太宗實錄成賜金帶重綵

金史本傳

世宗與侍臣論古今爲臣孰賢不肖

因諭宰相卿等毋違道以自陷毋曲從以誤朕惟忠

惟孝匡救輔益期致太平宏簡錄良弼對曰臣得過蒙

嘉惠雖薄敢不盡心聖諭諄諄臣等不勝萬幸良

弼請於樞場市馬毋拘牝牡今官馬甚少一旦邊境

有警免調於民四字依宏簡錄上從之金史本傳八年選女直人

爲侍衛親軍上聞其中多不閑弓矢詔良弼與平章

思敬督使諸人習射同知清州防禦事常德暉上言

刺史縣令多不得人吏部格法止敘年勞雖有材能

拘滯下位乞密加訪察然後廉問上是其言語以卿

等注意選擇對曰女直契丹人須是曾習漢人文字

然後可方今多爲黨與或稱譽於此或見毀於彼所

以難也上曰所以密加體察正謂此也宏簡錄進拜左

丞相監修國史如故良弼爲相旣久練達朝政上所

詢訪盡誠開奏垂紳正笏不動聲氣議政多稱上意

以母憂去起復舊職金史本傳時每旦暮日色皆赤問何

應驗對曰旦而色赤應在東高麗當之暮而色赤應

在西夏國當之願陛下修德以應天則災變自弭矣

未幾夏國任得敬挾其主李仁孝分國之半來奏羣

臣多言此外國事從之可也良弼獨謂恐非仁孝本

心不可從與上意合旣而其國果誅得敬上表來謝

參知政事宗敘請置沿邊壕塹良弼言敵國果來此

豈可禦徒勞民爾遂止上疑高麗國王覲表讓國於其弟皓以問良弼對曰此弒而篡何名為讓宏簡錄其

後趙位寵求以四十州來附果言王皓弒其兄覲如

良弼策金史本傳時罷採訪官上語宰臣官吏善惡何由

知之對以臣等當為陛下察訪上曰果然但勿使名

實混淆耳宏簡錄以進睿宗實錄賜通犀帶重綵是年

有事南郊良弼為大禮使自收國以來未嘗講行是

禮歷代典故又多不同良弼討論損益多合其宜人

服其能上與良弼守道論明安穆昆官多年幼不習

教訓無長幼之禮曩時鄉里老者輒教導之今或謂

事不在己而不問或非其職而人不從可依漢制置

鄉老選廉潔正直可為師範者使教導之良弼奏曰

聖慮及此億兆之福也他日上問曰朕觀前史有在

下位而存心國家直言為民者今無其人何也良弼

曰今豈無其人哉蓋以直道而行反被謗毀禍及其

身是以不為也大定十四年歲在甲午大興尹璋為

賀宋正旦使宋人就館奪其國書金史本傳璋還詔以刑

部尚書梁肅為宋國詳問使梁肅本傳時眾議紛紛謂凡

午年必用兵上以問良弼對曰太祖皇帝以甲午年

伐遼太宗皇帝以丙午年克宋今茲宋人奪我國書

而適在午年故有此語未必然也既而梁肅至宋宋
主起立授國書如舊儀梁肅既還世宗大喜欲以肅
爲執政良弼曰梁肅可相但使宋還卽爲之宋人自
此輕我矣梁肅傳上乃止未幾宋主遣工部尙書張子
顏知閤門事劉密來祈請其書曰言念眇躬夙承大
統荷上國照臨之惠尋盟遂闕於十年修兩朝聘問
之勤繼好靡忘於一日惟是書函之受當新賓接之
儀嘗空臆以屢陳飭行人而再請仰祈眷顧俯賜矜
從上與大臣議良弼奏曰宋國免稱臣爲姪免奉表
爲書恩賜亦已多矣今又乞免親接國書是無厭也

必不可從平章政事完顏守道參知政事伊喇原作利喇

道與良弼議合左丞石琚右丞唐古原作唐适安禮以爲

不從所請必至於用兵上謂琚等曰卿等所言非也
所請有大於此者更欲從之乎遂從良弼議答其書
略曰弗循定分之常復有授書之請謂承大統愈見
自尊奈何以若所爲尙求其欲矧曰已行之禮靡得
而更授受禮儀終不可改上問宰臣嘗詔內外官舉
賢未聞有舉者何也良弼曰前詔朝官六品以上外
官五品以上各舉所知蓋申明前詔從之上欲徒幹
罕逆黨分散置之遼東良弼奏此輩已經赦宥徒之

恐生怨望上曰此目前利害朕爲子孫後世慮耳良
弼曰非臣等所及也於是以嘗預亂者徙置上京濟
州等路八字依詳校本改正上問宰臣曰堯有九年之水湯有
七年之旱而民不病饑今一二歲不登而人民乏食
何也對曰古者崇尚節儉而又惟農是務故蓄積多
而無饑饉之患也今地狹民眾又多棄本逐末耕之
者少食之者眾故一遇凶歲而民已病矣上深然之
於是命有司懲戒荒縱不務生業者十七年以疾辭
相位不許告滿百日詔賜告遣太醫診視屢使中使
問疾良弼在告旣久省多滯事上以問宰相參政張

汝弼對曰無之上曰豈曰無之自今疑事久不能決
者當具以聞十八年表乞致仕歸田里上遣使慰諭
之曰卿比以疾在告朕甚憂之今聞卿將往西京養
疾彼中風土非老疾所宜京師中倦於人事若就近
都佳郡居處待疾少間速令朕知之良弼奏曰臣遭
遇聖明濫膺大任夙夜憂懼以至成疾比蒙聖恩數
遣使存問賜以醫藥臣之苟活至今皆陛下之賜也
臣豈敢望到鄉里便可愈疾臣去鄉歲久親識多已
亡沒惟老臣獨在鄉土之戀誠不能忘臣竊惟自來
人臣受知人主無逾臣者臣雖粉骨碎身無以圖報

若使一還鄉社得見親舊則死無恨矣上問宰相曰

丞相良弼必欲歸鄉里朕以世襲明安封其子符寶

哈達原作曷達俾之侍行何如右丞相完顏守道曰不若

以明安授良弼使其子攝事上從之於是授和掄松

科原作胡論宋葛明安給丞相俸廉良弼乃致仕歸上謂宰

相曰卿等非不盡心但才力不及良弼所以惜其去

也其後尙書省奏差除上曰丞相良弼擬注差除未

嘗苟與不當得者薦舉往往得人鈕祜祿原作粘合額特

埒原作訛伊喇原作利刺慥費摩原作裴滿餘慶皆其所舉至

於私門請託絕然無之金史本傳其見知如此鄂博庫傳是歲

薨年六十上悼惜之遣太府監伊喇慥同知西京留

守王佐爲敕葬祭奠使賻白金綵幣加等喪葬皆從

官給追封金源郡王命翰林待制伊喇履勒銘墓碑

謚誠敏良弼性聰敏忠正善斷決言論器識出人意

表雖起寒素致位宰相朝夕惕惕盡心於國謀慮深

遠薦舉人材常若不及居家清儉親舊貧乏者周給

之與人交久而逾敬居位幾二十年以成太平之功

號賢相焉明昌五年配享世宗廟廷金史本傳

完顏守道本名實訥埒原作習泥烈以祖古新功擢應奉

翰林文字皇統九年同知盧龍軍節度使事歷獻祁

濱薊四州刺史世宗幸中都過薊父老遮道請留再
任平章政事伊喇原作利刺元宜舉以自代於是遷昭毅
大將軍授左諫議大夫內族晏以恩舊拜左丞相守
道諫曰陛下初即位天下略定邊警未息方大有為
之時恐晏非其材必欲親愛莫若厚與之祿俾勿事
事乃授以太尉致仕世宗錄扈從將士之勞欲行賞
賚而帑藏空竭議貸民以與之守道曰人罹虐政方
喜更生今仁恩未及而徵歛遽出如羣望何甯出宮
中所有無出於民遂從其言契丹叛遼東明安穆昆
在其境者或附從之朝議欲徙之內地守道極諫其

不可右副元帥音謀將兵討賊金史本傳以貪鹵掠

默音久無功志甯傳守道力言於朝詔遣布薩原作僕散忠

義赫舍哩原作石烈志甯往代之金史本傳受任責成志甯忠義

贊傳東方已平大定二年宮中十六位火方事完葺時

已入夏頗妨民力守道諫而罷未幾改太子詹事兼

右諫議大夫馳驛規畫山東兩路軍糧及振民饑守

道籍大姓戶口限以歲儲使盡輸其贏入官復給其

直是以軍民皆足拜參知政事兼太子少保守道懇

辭世宗諭之曰乃祖勳在王室朕以悉卿忠謹以是

擢用無為多讓時契丹餘黨未附者尙眾北京臨潢

泰州民不安詔守道佩金符往安撫之給羣牧馬千

匹以備軍用遂招致契丹呼敦紐赫原作骨等內附

民以甯息進尙書左丞兼太子少保嘗從獵近郊有

虎傷獵夫帝欲親射之叩馬極諫而止俄拜平章政

事十四年宋人遣使因陳請免接書事免字依詳守

道等以爲不可許卒從之既而兼右丞相監修國史

復遷左丞相授世襲穆昆二十年修熙宗實錄成帝

因謂曰卿祖古新行事有未當者尙不爲隱見卿直

筆也尋請避賢路帝不許進拜太尉尙書令授左丞

相諭之曰丞相之位不可虛曠須用老成人故復以

卿處之卿宜悉此未幾復乞致仕帝曰以卿先朝勳

臣之後特委以三公重任自秉政以來效竭忠勤朕

甚嘉之今引年求退甚得宰相體然未得代卿者是

以難從汝勉之哉二十五年坐擅支東宮諸皇孫食

廩奪官一階尋改兼太子太師特錄其子珪襲穆昆

充符寶祇候章宗爲原王詔習騎鞠守道諫曰哀制

中未可帝曰此習武備耳自爲之則不可從朕之命

庸何傷乎然亦不可數也二十六年懇求致仕優詔

許之特賜宴於春和史作慶春依殿帝手飲以卮酒

錫與甚厚以其子珪侍行又賜次子璋進士第明昌

四年卒年七十四上聞之震悼遣其弟點檢司判官富德致祭賻銀千兩重綵五十端絹五百疋太常議謚曰簡憲上改曰簡靖蓋重其能全始終云金史本傳

唐古安禮本名烏楞古原作幹字子敬金史本傳又字仲

和部曲上京刷原作河人唐古德金主亮之妹婿也

部曲好學通經史本傳極能文部曲工詞章知為政大

體金史本傳復知兵部曲貞元中入為翰林侍讀學士改

濬州防禦使彰化軍節度使大定初遷益都尹召為

大興尹金史本傳時年尚少有治才禁止京師訛言祛府

中姦吏宿弊不為因仍宏簡錄迎午休吏燕雀語堂下

人不知有官府玉堂佳話察廉入第一等進階榮祿大夫

拜參知政事此依詳校屢奏獄空詔賜宴勞之宏簡錄

初安禮娶金主之妹妹死欲妻以女辭以不宜娶妻

姪強之不可金主怒以抗敕坐之北行錄罷橫海軍節

度使歷河南尹南京留守以喪去數年不召石琚薦

其忠直起復尚書右丞上憫南路女直戶頗貧乏漢

戶租佃田土所得無幾費用不給詔凡成丁者簽入

軍籍月給錢米於山東路沿邊安置令宰臣議安禮

奏曰明安人與漢戶今皆一家彼耕此種皆是國人

即日簽軍恐妨農作宏簡錄上責安禮曰朕謂卿有知

識每事專做漢人若無事之際可務農作度宋人之
意且起爭端國家有事農作奚暇卿習漢字讀詩書
姑置此以講本朝之法前日宰臣皆女直拜卿獨漢
人拜是耶非耶所謂一家者皆一類也女直漢人其
實則二朕即位東京契丹漢人皆不往惟女直人偕
來此可謂一類乎又曰朕夙夜思念使太祖皇帝功
業不墜傳及萬世女直人物力不困卿等悉之因以
有益貧窮明安人數事詔左司郎中鈕祜祿原作額
特塔原作說使書之百官集議尚書省金史本傳十七年
詔遣完顏托克索原作觀行邊從行契丹雅爾原作

四人自邊亡歸達實原作大石上聞之曰達實在夏國西

北昔斡罕原作窩斡為亂契丹等響應朕釋其罪俾復舊

業遣使安輯之反側之心何猶未已若達實使人間

誘必生邊患乃遣同簽樞密院事赫舍哩額頁原作紇石

烈奧也吏部郎中費摩原作裴滿餘慶翰林院修撰伊喇原作

移刺傑徙西北路契丹人嘗預斡罕亂者上京濟州等

路安置以兵部郎中伊喇子元為西北路招討都監

與額頁同催發宏簡錄詔子元曰卿可諭徙上京濟州

契丹人彼地土肥饒可以生殖金史本傳俾與女直人雜

居男婚女聘漸化成俗亦汝等久安之計也仍遣明

安一員以兵護送而東所經道路勿令與羣牧相近
脫或有變即便討滅俟其過嶺卿即還鎮宏簡錄上已

遣額頁子元等謂宰臣曰海陵時契丹人尤被信任

終為叛亂羣牧使鶴壽駙馬都尉賽音原作昭武大

將軍珠勒呼原作木金吾衛上將軍布敦原作皆被

害賽音等皆功臣之後在官時未嘗與契丹有怨彼

之野心亦足見也安禮對曰聖主溥愛天下子育萬

國不宜有分別上曰朕非有分別但善善惡惡所以

為治異時或有邊釁契丹豈肯與我一心哉他日上

又曰薦舉大臣之職外官五品猶得舉人宰相無所

舉何也安禮對曰孔子稱才難賢人君子世不多有

陛下必欲得人當廣取士之路區別器使之斯得人

矣上曰除授格法不倫奉職皆閔闕子孫朕所知識

有資考出身月日親軍不以門第收補無廕者不至

武義不得出職但以女直人有超遷官資故出職反

在奉職上天下一家何為若此四字依對曰祖宗以

來立此格恐難輒改轉左丞與右丞富察原作通同

日拜上謂之曰朕今年五十有五若過六十必倦於

政事宜及朕之康強凡女直明安穆昆當修舉者改

定法令宗族中鮮有及朕之壽者朕頗習女直舊風

子孫豈能知之况政事乎卿等宜悉此意上又曰大理寺事多留滯宰執不督責之何也金史本傳對以案牘疑難者舊例給限上曰舊例有是有非今不究其事胡可輒給以限久之又語宰臣御史臺官亦與親知往來否皆曰往來殊少上曰臺官當盡絕人事諫官記注官與聞議論亦不可與人游從對曰親知之間恐不可盡絕上曰職任如此何恤人言俄拜平章政事封芮國公授世襲穆昆宏簡錄上諭安禮前代史書詳備今祖宗實錄太簡略對曰前代史皆成書有帝紀列傳他日修史時亦有帝紀列傳其詳自見於列

傳也安禮嘗議科目言於上曰臣觀近日士人不以策論為意今若詩賦策論各場考試文理俱優者為中選以時務策觀其器識庶得人也上曰卿等議之上謂宰臣曰賞有功不可緩緩賞無以勸善對曰古所謂賞不踰時者正謂此也二十一年拜右丞相進封申國公固辭曰臣備位宰相無補於國家夙夜憂懼惟恐得罪上負陛下下負百姓臣實不敢受丞相位惟陛下擇賢於臣者用之上曰朕知卿正直與左丞相錫馨原作習顯無異且練習政事無出卿之右者其毋多讓安禮頓首謝是歲薨泰和元年配享世宗廟

廷金史本傳

完顏薩哈原作撒改上京納爾琿原作納魯梅河人也其先居

於烏楞古原作兀冷窟河身長多力善用槍王師南征睿

宗為右副元帥置之麾下佩以軍牌使督軍事天德

元年授本班祇候郎君詳袞其後從軍泰州路軍帥

以薩哈為萬戶領尼楚赫原作銀木可等明安戍北邊數

有戰功二年正月海陵庶人遣使夏國諭以即位事

因令俟彼之意既還稱旨為尙書兵部郎中改同知

會甯尹遷塔刺部族節度使改額勒本原作歐里本羣牧

使為海蘭原作孩懶路都總管海陵代宋授衛州防禦使

為武震軍都總管世宗即位遣使召薩哈既至除昌

武軍節度使已而為山東路元帥副都統改安化軍

節度使兼副都統如故四年徙鎮安武仍兼副都統

領山東大名東平三路軍八萬餘渡淮會大軍伐宋

進至楚州宋遣使奉歲幣還邳州卒金史本傳

盤至蔡州宋徽宗幸汴梁

而山東大谷東平三州軍八萬餘人

潛與蔡州通謀欲劫四手

蔡州軍帥與日而為山東亂

然為軍時徽宗嘗世宗時

